



學源堂詩集卷之六

清苑郭棻快圃著

七言律

申冕盟五十舉子乃弟隨叔太史徵詩

前年握手話心期猶道藍田種玉遲近與季隨同珥
筆為言伯氏誕麟兒輝山白壁原生趙照乘明珠遠
勝隋生恐詩名歸小杜牀頭玉斧欲相貽

見盟有詩名

渡河

停驂驚逼大河洲日白霜黃酸棗秋動地疑交風雨
至從天知帶斗星流雲隨鷺鶴歸嵩岳沙擁龜龍見

汴州孤子宜房何處是千年壁馬總悠悠

抵汴

河岍登車小隊迎蒼茫暝色度高城寒帷綠暗惟官
柳入署紅乾有野萃賦雪何人今寂寞進花當日亦
崢嶸慚余千里徵賢至賸有臨流懷古情

聚奎樓遠眺

危樓矗矗壓天中千里黃河一望通烟樹日沉非宋
岳魚沙雨老是梁宮龜龍有跡文章古虎豹無關氣
象雄洛下汝南才是藪得人猶自說歐公

鹿鳴宴

壬子河南

桂子香開聽鹿啣天中瑞奏五雲浮人依少室多仙
氣地夾黃河自上游棧樸化成歌湛露壁奎星聚映
清秋驂騶滿道真如錦稽古恩榮願共酌

撤棘後得李九畹吏部書兼惠地黃薯蕷九畹

左遷以讀禮未補

論文尊酒憶青蓮藤署詩名壓木天愧我未空騏驎
野愁君新廢蓼莪篇有煩采藥遙相問安得同舟望
若仙珍重加餐還自慰佇聽宣室召才賢

聚奎樓望文昌山閣

峻嶒誰爲疊雲根紺閣孤清氣象尊霜磴羽衣疑放

鶴風林蘿帶似懸
孫域中形勝分黃水
天下文章映紫垣
點綴正須臺觀好
自慚無筆壓西園

登汴梁上方寺鐵塔

百丈琉璃古鐵顏
嗟峨直欲逼天關
東來紫氣滄溟日
西下白雲嵩少山
幾點霜林低雁陣
一條沙磧傍龍灣
四十八佛何年置
猶帶腥蛟去後斑

壬午汴梁經水患

雨後登汴梁明遠樓

雨過中天見蔚藍
憑高滿眼葉紅酣
虹隨水落繁臺北
雁與雲歸汴渚南
沙井金錢元祐字
蓬溝玉玦景靈函
椒房棘苑成今古
獨有飛鴉依舊探

衛輝望京樓

廢邸巋然獨一樓
潞王曾此望京不
樹空華表烏啼月
霜滿蕭牆棘散秋
銅雀已成漳水磧
玉魚那是漢時丘
燕果蝸篆渾休惜
勝說金仙有淚流

九日金棟存方伯
招同鄧瀧江司農
李毅可觀

察崔惕菴河憲孫
潔初副使史省齋
督學按

僉飲文昌山閣遇
雨閣在廢藩邸後
可望鐵

塔

客裏逢時菊正芳
插萸山閣謁文昌
城隅鐵老鸚林塔
樹窟銅埋駝路霜
洞曲況教雲送黑
臺高不待雨

生涼諸君談笑忽停筆爲惜繁華古大梁

荅陳蒞宮次韻

掄才叨與鹿茸筵
讐校慚無藜杖煙
一片冰心秋月冷
三條絳燭露華鮮
第高恐使劉蕡下
臺遠虛傳郭隗賢
花苑洛陽原有種
春風桃李佇爭妍

其二

繁臺咫尺靜歌聲
九月無霜落葉明
好景長河星萬點
苦啞短鬢雪千莖
雲來地肺連朝潤
秋在人心到處清
蕭瑟悲涼今古似
張衡無筆賦東京

其三

人才湖海氣盈襟
入洛其如霜露臨
少室仙源黃鶴瘦
太丘故里白雲深
龍蛇變態看揮翰
山水孤情聽撫琴
落莫于今風雅事
拾遺秋興百年心

五世一堂詩贈孫鍾元徵君

爲愛淇園百畝筠
移家千里大河濱
蘇門舊有孫登宅
洛下爭傳郭泰巾
鳩杖遶嘯五世祖
斑衣舞向百年人
草堂獻酒春暉滿
桂樹生花秋月新

徵君長孫時舉於鄉

其二

河干車馬入文鄉
一月春風三日香
函席有懷牀下拜
征車不息驛亭忙
太公臺畔瞻星聚
君子村頭看

鳳翔賴得蘭孫如玉筍通家喜更說門牆

黑龍潭

神臯滉瀆翠蛟宮古木蕭蕭白日風烏帶雲來知地
敞雷從石起覺天空瑤壇夜燎聞仙樂碧圃春香見
化工疊枕攜壺成小憩楓臺莫問落花紅

李來吉令四會

曾芟甘棠映彩雲雕題蠻語頌神君雙鳧又向蒼梧
野五袴應傳牛女分車度枕榔香細雨衙臨蒟醬吐
奇芬梅花嶺上人來往頻折一枝寄我聞

李曉生補任山東驛傳道

龍門潁水漢時聞今日仙舟誰並君持斧曾看彭蠡
月爲霖好借泰山雲青牛氣接滄溟近白雪樓高奎
壁分預識德流郵置速頌聲蚤晚達南薰

送宋荔裳觀察四川

荔裳舊爲
浙江觀察

淑問曾流古越邦錦江春色勝錢江一川雲霧高低
壘十里芙蓉上下艤杜甫詩篇畱井絡文翁聲教到
邛駝星沉貫索知無事筆在梅花雞在窗

其二

時常折柳出春明祖道於君別有情過去風波真破
膽於今騷雅正尋盟賦傳楚國三秋盡舟到瞿塘萬

浪平總領蜀臺先後好膠萊原是一家聲

宋艾石先
荔裳爲蜀

中觀
察

送杜子靜編脩乞假歸南宮展墓

燕郊無雪樹聲乾有客條風騁玉鞍大陸松高愁鹿
觸上林花發讓人看詩成社日應呼酒月滿春宵好
夢蘭

子靜滕
下乏人

親爰南亭如問訊爲言北郭老長安

其二

金鞞繡褱出春明一客初言念祖情篋有賜書皆止
史人來勸酒半名卿帆開綠水桃花漲柳隔紅塵燕
子聲爲計禮成趨闕日華堂桂樹已崢嶸

送張漢昭督學閩中

斗牛雙宿舊浮槎天上文章覽獨賒郎署大夫榮稼
部詞壇宗匠過仙霞燃犀照海珠無淚結鐵迎潮玉
有花人道七閩才是藪料難博物比君家

其二

與君題塔廿餘年事事輸君先著鞭萬里星輶橫玉
尺千秋彩筆號珠船絳紗香引芙蓉露水鏡明開橘
柚烟黃閣絲綸虛左席還朝好帶八蠶綿

張正甫督學蜀中

鳩車戲坐憶同年酒筭詩筒雅社偏能讀父書多靜

氣久居郎署尚蕭然金閨我自淹三館玉尺君方照
四川賦客詞人淵藪在重看井宿五星躔

郭介蕃督學滇南

介蕃粵西典試
竣旋拜是命

珠網曾收海外瓊旋持玉尺按昆明文星自與五雲
現才子常爲萬里行人度鐵橋多北望地臨銅柱想
南征夜郎久識汾陽姓華胄今來是墨卿

鄭澹菴督學楚中

晉人
兵部

才名易奕鄭當時樞府舍香選鷄鷄自昔楚才當晉
用于今北學是南師文峰赤壁增三賦理窟黃陂拜
二祠欲爲詞壇生氣色洲名鸚鵡一傾卮

程蕉鹿督學貴筑

戶部

誰能敷教大龍番除是伊川夫子孫周禮司徒原造
士漢家置郡已推恩芙蓉銅鼓千年色荔竹烏江萬
里源化得牂牁通六藝論功馬援許同尊

蘇鶴洲督學粵西

知君性好奇山水碧荔金芝到處香漸解華言秦吉
了全無瘴氣馬檳榔雄文自壓州官柳佳士應如太
史黃西粵西湖名亦好蘇隄從此比餘杭

憂旱

三冬無雪春無雨赤地愁聞布穀聲官府但知催夏

學淵堂詩集 卷之六
稅農家何事望秋成密雲柱字漁陽縣易水空傳燕
國城罪已 廟堂新有詔賑飢誰敢飾虛名

喜雨

疊前韻

瀟瀟庭樹響深夜疎爽無疑是雨聲不惜東籬花盡
老願教南畝稼都成一天碧露垂龍沼十丈紅塵靜
鳳城自責無須勞 聖主商霖珍重賜臣名

時爰立未果

吳稽田再至京師

客裏君曾寄八行具言愁病滯江鄉一朝醴酒辭王
戊千里胡琴負子昂蕭寺鐘聲聽月落燕臺雨色見
松荒相逢莫更詢身世未老慚余鬢已霜

王蓼航宮允備兵南贛

憶辭香案正翩翩一臥蘇門二十年秋水龍藏雷劔
氣夏峰鸞嘯太行烟天人望高珠斗海內詩名讓
桐川偶爲蒼生重攬轡潯江試放米家船

其二

詞曹只合老西園賴有君行雪此言攜雨自能澆鐵
樹折梅還欲寄金門嶺南屏翰分甌粵江左歐曾見
弟舅去到滕王高閣望水天一色舊時痕

荅李卓人同門

白雲一片楚江干羨說高人戀籜冠陶令柴桑誰送

酒葛洪勾漏已成丹山中書札輕千里天上風雲幻
萬端意氣當年都不淺祇今霜鬢兩相看

癸丑歲暮雜感

年華容易換支千萬事蒼茫冰雪殘心老偏能藏感
慨官貧獨不畏艱難請纓人已羞王勃折屐誰將似
謝安羯鼓無聲爆竹靜金戈鐵馬正桓桓

其二

幾於除夕嘆吾衰老至今年不暇悲策擬長沙愁涕
少才非中壘著書遲車巾日捲疎前輩厨曆時刪瘦
小兒咄咄逼人緣宦事尋常酒債一時追

其三

三尺匣中且莫鳴年來侘傺總無聲慣看俯仰桔槔
巧羞說浮沉苕藻榮宦況如樓憑蜃結人才似水賴
企生一杯聊勸飛光駐不遣閒心到世情

其四

雙丸只解跳東西不管人間物不齊蟬憎喧秋爭抱
葉絮貪逐水定沾泥眉山痛快賈生論蘆子憂皇杜
甫詩欲掃千人無筆橫何時太白與雲低

其五

好搯孤調自蹒跚流水高山閉戶彈每讀一編增一

悔未聞三益發三歎可堪遺世琴書友不甚驚人文字官如此心情居鬱鬱自無春夢到槐安

其六

荒園無力種君遷短草疎花趁日妍舶客少來迴味果鄉疇不產耐彈綿繁華莫更爭鋪錦廉耻惟宜仰俸錢近日交游情近古雙魚絕少故人傳

其七

久識空華與劇場把持道氣壓疎狂竹因有節禁水雪花自無馨任海棠八座威儀原嘯諾五陵裘馬卽文章西山山色年年翠多少遊人到上方

張玉甲大叅備兵青州

龍節朱轡望大東洋洋千里間齊風雲門雨過松烟紫蓬島霞生海日紅人到雪宮非晏子鳥傳白樹有王公漢家使相多名業道是張堪壓孔融

六月六日喜雨

不徒憂旱旱堪憂六月簷花瀑水流天淨自然無野馬田霑只合有耕牛樹聲浙瀝長過午雲氣蒼茫乍得秋好雨及時原盛世桑林不用費祈求

冬日過項眉山學士齋中聞諸郎讀書聲

老厭頻聽畫角聲過君廬舍耳雙清傳經太乙青藜

照鼓篋河東彩鳳鳴自識他年皆玉筍任教舉世有
金籬膝前愧我多豚犬不解濡毫賦兩京

甲寅十月十六日聞范觀公閩中消息

不死知君志已違郎當況復虎狼圍三更對雪思平
蔡萬里因風望采薇此際何時忘魏闕幾回有夢到
萱闈無衣未許書生賦老爰闌干血並揮

探春花

雪月曾無花信通寒芳獨爾探春風冰虫結網籠瑤
樹雲母飛香上玉叢自有機關傳黍谷況多消息問
南鴻柳條漏洩知還未只在梅花幾點中

歲暮雜感

感慨今年未有涯那堪歲暮旅愁加空堦疊雪看危
石老樹吟風聽夕鴉奏捷江湖書恁急傳聞關陝卒
爭譁奇謀將相應多在却使書生枉歎嗟

其二

二冬氣暖似春秋月半嘉平水欲流頗愛爐紅添楮
拙更憐霜白遣兜鍪太平點綴人披錦塵世機關屢
結樓不是禦寒憑酒力筭中那得紫貂裘

其三

除却青瓊百事無偷兒暴客任狂呼三更剪燭霜疑

月萬里傳書馬似鳧楚甲逍遙憑地利秦民竭蹶輓
軍儲眼傷鼻感何由解燕市人多半酒徒

其四

幽居愈喜有貧聲門巷蕭條犬不驚客至長談惟老
友書來覩縷半鄉情剪蔬小圃冰三尺眺雪平臺酒
一觥咄咄未知緣庶事人非廉藺虎相爭

元日試筆

元日晴和曉不寒景陽鐘動集千官六龍行處雲驅
輦五鳳開時星照壇椒頌聲停鷓鷯序劔華光冷鷓
鷯冠捷音疊疊來江表何用書生策治安

徐昌侯茂才歸華亭

送君歸去意怱怱迢迢江關畫角聲豈是馬周無上
策只緣王粲有鄉情布衣可惜京塵黑絲髮何妨塞
雪明若買山居深更好東南戎馬正縱橫

范筠堅歸華亭

筠堅卽樹
鏃長郎

知君家世有遺書封禪不求意自如久客漸能識韞
櫝長歌豈是嘆無魚人南燕北各寒暖髮白燈紅幾
望舒四海只今多戰馬歸兮一倍愛吾廬

乙卯三月二十六日大風霾

見星不見日多時一日風霾萬象欺樹老虬龍爭亂

吼花開雲錦苦相披塵中車馬騶聲靜沙裏樓臺燕子移獨有荒亭一丈石巋然不改亦何癡

乙卯四月金棟存太常招同楊地一少司馬曹

顧菴學士沈繹堂大司成張爾成銀臺項眉

山學士雅集分韻得一先

關山湖海正烽烟老友傾尊感慨偏日澹燕郊鶯卷舌風驕榆塞樹飛錢令傳司馬猶行酒卦叶同人莫問年不醉婆娑須庖事聞雞誰肯更爭先

劉山人遊中州憑寄張上若同館

輶車憶下午橋莊痛飲醍醐月正霜白髮我猶歌福

仄青山君已定行藏溢河春雨麒麟浴行塢秋烟薜荔香滿眼干戈憑問訊金臺客老意蒼茫

乙卯午日感懷

無蒲無酒復無榘有恨有悲兼有愁殺盡新河賊蚤遁俘來少婦淚乾流霜飛四月白齊魯魍舞千村赤薊幽纔道山陰來露布又聞旗鼓發雲州

李仲如以廕補奉天治中

仲如能畫

贊皇公裔衛公才九部八紘一掌該新領銀青周內史遠臨鴨綠漢畱臺日烘海嶠雲成閣霞結山陰樹似梅屈指遷除應有詔醫無問入畫圖來

憂旱

干戈滿眼漫無愁五月田乾負麥秋考鼓撞鐘村打
賊衝沙蕩石陸行舟蘼蕪盡變夏枯草布穀翻成喚
雨鳩州縣吏才惟急稅輟耕只恐賣犍牛

五月霜

山左
報聞

奇事新聞五月霜劇憐二麥失青黃板橋人跡寒鷄
鳩山寺鐘聲頓柘桑只有將軍愁牧馬料無御史喜
添囊莫言魏俗能寧儉葛屨齊東亦履將

李昭華來得吳稽田書

聞結白茅捫虱菴祇今世事可能談書來湖上雲霞

色人隱山中翡翠嵐誰許馬周爲上客須知王適是
奇男君何更說遷除事千日杯傾我正酣

魏離伯視嵯兩淮

與君攜手話滹沱二十年來我鬢皤唐有魏徵陳十
漸漢之郭泰老三河才名已壓西臺栢直指今巡東
海嵯聞道揚州花滿樹鹽梅須爾作羹和

趙鐵源太史典試粵東

膠海才人趙倚樓棘闈星使日南游一帆萬里蠻烟
靜八月雙江梅嶺秋墨水江邊看鐵漢桂花香裏點
魚頭賢書露布知齊上幕府文章認馬周

史子脩日講官乞假歸省

子脩能書

正藉直哉列講筵
尊鱸忽憶蕩湖天
衣中綠玉淮南橘
炬裏黃金殿左蓮
五月薰風楊柳岍
九河仙氣木蘭船
妙高道士多劉姓
定許籠鶩換五千

寄淮鹽運使張應瑞

萊海歌聲淮海流
甘棠新更憇瓜洲
梅花閣裏香爲解
甃社湖邊藕是秋
劉宴功高能轉運
仲淹才大喜防脩
橋頭明月懷佳句
夢到邗江勝槩樓

喜雨

不禱桑林不祭瓏
自然甘霽夜寥寥
一時日月空靈

氣千里河山得秀容
北拱雲霞金菡萏
西來青翠石芙蓉
臣權不獨書窗靜
可洗兵戈可勸農

夜大風雨

混茫一氣冷瀟瀟
列缺砰砰雲半燒
鐘鼓無聲地窟吼
樓臺欲動天河澆
萬胷鱗甲乍拏歛
一界塵烟可寂寥
中夜衣冠聖人坐
歷山有幾古耕樵

再送史子修

一帆綠雨潞河催
香案人從天上來
篋裏有書皆正史
席前得句自僊才
行行鱸膾三江近
處處芙蓉六月開
長蕩湖邊秋正好
金蓮的皪儼蓬萊

送霍玉調副將復鎮萊州

蓬島喧傳橫海雄築壇 詔寵賜彤弓近聞 天子
勤東顧重遣將軍守大風雲裏飛來金雀印海邊躍
出玉龍驄漢家指日圖麟閣還數嫖姚第一功

李吉爻令潞城

上黨山川爾舊遊壺關重歷正高秋兩河紅葉浮沙
嘴百谷青雲罩馬頭潞子宮前新雨露衛公祠上古
風流相傳地是嬰兒國從此知將父母謳

楊華覲督學秦中

關西夫子漢儒宗新領文衡按古雍秦俗只今猶鐵

駟晉人當日擅雕龍灞橋駐馬芙蓉色函谷看雲虎
豹容聞道隗囂行授首好將禮樂變烟烽

戈玉仲視鹺兩淮

秋風驄馬向瓊臺桓典今同管仲才廿四橋邊江月
上十三山外海門開揚舸渡口紛如雪駐節關頭動
若雷奏績知君調鼎鼐揚州自古有鹽梅

九日登倦榭

樹烟水色老秋光此日憑高意重傷殘照西山雲羃
歷落霞北海氣微茫上林絕少縈書雁古陌何多染
葉霜一道塵飛連驛騎將無露布奏荆襄

書寄快園百可亭壁上

園名寄快意何如地以心偏賦索居雨後剪畦分翡翠
霜前剝棗落瓊琚乍聞鳥語因停筆不覺花香爲
檢書坐臥醉醒皆自適碧山莫待更焚魚

其二

亭子如何名百可菜根敲得氣纔降雲華不掩當頭
月山色全供背面窗雪裏雁鴻空乙乙花時蛺蝶自
雙雙古今有事誰能做擊楫中流誓大江

吳稽田歸嘉禾

看君濡筆賦歸飛何所聞來何見歸酒薄長安嫌市

夢回大滌憶山薇晴秋最碍雲邊影涼夜難忘天
下衣此去霍湖逢快事如銀蕪菜透根肥

漳海龔天階以庶常外補十八年矣來都一晤

匝旬旋返同館爲詩送之殊有感也

十八年來驚一晤七千里去恰三秋愁懷正欲從頭
說離恨難將攜手畱當日人情猶古道近時宦況總
虛舟英雄氣短無他事龔遂如何不拜侯

其二

何所聞來何見歸廿年光景訝全非紫驢蹀躞金臺
遶白燕參差玉署飛欲醉其如涑釀薄懷甘畢竟鱖

魚肥君家漳海今安穩蚤晚王師賦雪霏

時有撤藩之議

登遠榭望雪

絕無塵埃礙雙睛迤邐參差一片明
大澤蒼茫吞海氣孤雲聚散混山名
林中佛捨毫光接水畔人家烟火輕
萬境何分高與下雪天一望總平平

丙辰人日

雪消風靜一簾深此日占人慰我心
或者官軍無殺掠自然寇盜不侵尋
犀犛窟繡多平福鏹響笳吹盡好音
縱使冰銜雙鬢白殘編安穩好哦吟

莊靜菴樞部督學河南靜菴庚子典試京兆

視草十年漢石渠鴻文秋水漆園如眼
曾冀北空燕駿筆又河間點洛書
嵩少雲來皆古鶴汴梁水過有神魚
知君到處流時雨桃李菁葱罩鷺車

送任海湄少司寇祭告南岳南海

禮循柴望藉名卿鶴繡犀犛萬里行
七十二峰雲北向千八百國海南平
旌搖白鷺鯨鯢斂詔過湟谿橘柚榮
山自三呼海自晏待君還奏慰皇情

題江氏雙節冊

叔母程姪媳汪同守節二十一年教子成立徽州歙縣人

溯言家世有淵源節操雙傳德象坤
自許大家無二志更教小阮慰孤魂
和熊毋共流霜日晝荻兒同落

學淵堂詩集 卷之六
葉村一戶兩庭皆玉樹廿年辛苦佇旌門

王子言少詹祭告高陽顓頊宋金元明諸陵

青宮左輔拜王商 詔遣銜書祀古皇三月鶯歌官

路柳百陵草散御臺香人從紫極星辰去地到黃河
甸服長聊可題詩聊可醉知君莫肯負春光

陳說巖詹事祭告鑿巫閭鎮

星輶歷歷度榆關函捧金泥青冀閒玉署詞人行古
塞桃花仙洞訪名山禮成柴望 王言重瑞奏雲封
宮相還豐鎬地多龍虎氣得來詞賦壓揚班

其二

彈冠青殿領王商 詔遣明禋歷海陽東望瀛洲煙
有翠北來華表霧多蒼臣將 帝命行原寵山學嵩
呼韻自長父老憑君詢盛事少微爲道有輝光

題顧見山畫

平生遊跡徧江關收拾烟嵐筆墨閒淦淦猶寒原上
樹戎戎欲濕雨前山雲根有路青溪斷茅屋無人白
日閒危磴嶺頭盤似蚓是誰穿鑿任躋攀

中秋後五日邀沈繹堂祭酒馮胎仙庶子高爾
豹進士雅集百可亭次爾豹韻

冷雨秋亭夜照釭愁心擬向翠濤降冰輪有意來空

谷鐵板何人唱大江五粒禿猶垂小徑九華高欲入
晴窗座中咳唾珠璣落國士驚看遂有雙

再和沈繹堂祭酒

清宵客話對明釭秋圃塵空雨氣降酒興勃如尋菊
序詩才清似落楓江雲華有意圍孤月山色無邊受
一窗戶大能容設法勸投瓊射覆數單雙

其二

揮塵傾壺共一釭雄談豈肯豎旗降感時工部心驚

鳥臥病文園渴飲江雨積梨花秋滿樹

時梨樹
秋花

燈殘

螢火夜窺窗非因咄咄書空慣頭白鬢髮影自雙

再和高爾豹拘體險韻詩

秋亭夜坐虫撲釭予懷渺渺愁莫降辜負月明此燕
市比擬才人爾潘江冷露暗飛木垂珮濃雲忽斷天
開窗見說楚澤橫鐵甲南征鴻雁何雙雙

再和馮胎仙韻

自憐五畝似南淙謀婦新醅得一釭碧草梳風疑石
髮紅霞著樹儼天幢虎鬚酒政吾能捋龍鼎詩才君
可扛但醉無須頻問夜金吾不敢漫春撞

秋日邀任青巖正字高澹人張朝弼兩錄事集

百可亭次澹人韻

學淵堂詩集 卷之六
白露當庭雁影南客來不用月成三兩餘存草露
翠樹密無山亦吐嵐近日閒雲紅似錦迎霜秋水碧
于藍蹉跎未覺年華暮何事林楓葉已酣

其二

園空夕照滿高槐杯勸飛光興更佳露著秋藤枝縮
綬月臨風竹影橫釵讀騷飲酒真名士小築幽棲稱
老懷明底升沈安足論雄心只擬頌平淮

題畫

草廬高結翠微中峰後峰前一路通衝破烟嵐飛瀑
布拘迴榛莽長蠶叢粼粼野水泥霜白歷歷荒原帶
鳥空寂寞無人行古道祇餘枯樹響秋風

其二

山前種竹竹緣山竹外編茅三兩間色映樓臺渾碧
落香流谿徑靜柴關坐來賓主知非俗望去林巒總
是閒安得買山如畫裏更無兵火挂愁顏

景元公令平湖

會令天長時
平湖有水患

花畱濠濮比甘棠鳧去龍湫出帝鄉九月人行紅樹
裏一天露下白沙笏寒帷滿日堯年水入署勞心越
徼航見說仙霞頻奏捷景星照處有平康

九日雨中登寄快園遠榭獨眺擬詰朝訪菊楓

臺

重陽多雨亦登臨無那園荒秋氣深五色龍雲勞朔
塞時上一一斑豹霧老霜林誰家酒饗陶潛徑此日
風驚鮑照心豈爲虛名生倅侘城南菊滿欲招尋

何吳子令江陰

梅閣揚州水部才一行作令大江隈乘鳧客自燕雲
去騎竹童隨海月來宦蹟春申仍有浦風流任昉更
登臺新硯豈憚當盤錯會聽歌聲五袴開

重九前二日張爾成招同魏侍郎環溪法方伯

黃石飲齋中夜話久之次方伯韻

曲江書屋小籬黃泛蟻持螯共客嘗理學同尊周茂
叔風流獨羨米元章仙人露冷杯浮葉太白星高雁
帶霜擊碎唾壺中庖用澆愁莫管日頭蒼

重陽後一日集項眉山齋中看西山霽色

夜聽冷雨濯西山翠巘朝來爽氣還偶對墨林書畫
裏遙分秋色蔚藍閒斜陽影動雲歸寺寒露聲隨雁
度關莫爲臥遊空拄笏尊前饒有菊花斑

送穹窿鐵竹施真人歸江南

真人能以符療人病

高人何意入長安爲愛燕山六月寒竹杖一枝能躍
水琅書幾筆勝還丹偶看紅葉懷瓊樹遂叱白雲返

學淵堂詩集 卷之六
碧湍莫向長房爭賦別相思縮地有何難

王印洲臬僉督理河南河道

印洲舊爲江西督學

東山養望十年餘小試河渠太史書曾聽洪都歌有
斐肯教汴野嘆其魚乘櫂權與冬官比繡牙衙分憲
使居指日錫圭應庠績負圖龍馬更何如

曹貞子綠水送春帆之句膾炙人口詞客多卽

句爲賦者貞子來索言應之

浦色雲華碧一連客行三月蔚藍天波光蕩漾新山
黛鳧影招搖嫩柳烟人向畫橋看歷歷帆開春色去
涓涓桃花千尺情誰淺不及陳思贈客篇

贈苗椒明羽士

丹臺玉室是仙根親見崆峒降至尊眼底滄桑經海
听篋中龍虎動天關研花自製凌霄賦叱石頻過他
鶴村愧說瀛洲吾作署何曾脉望得真源

張爾成齋中觀蠟梅

春光獨蚤曲江隈臘雪飛時見蠟梅驛口媿無人折
贈簷牙喜對酒爭開鶯黃淺結千圍暈石棗寒抽幾
尺枚我老看花如霧裏詩成東閣讓君才

丙辰歲暮感懷

曆頭檢盡歲華移感慨年年重此時擊碎唾壺中底

學淵堂詩集 卷之六
用填平筆甕欲誰知刑天豈可銜干戚逐電其能受
馬羈開濟艱難應有輩傾尊只合祭吾詩

其二

朱門何用掃春風自有人來擁筆同捫蝨徒煩王景
略雕蟲齊笑江文通譏評宋史因談理塗抹韓文爲
送窮烟海蒼茫如宦海浮沉萬里羨鳧翁

其三

宦況悠悠廿五春鮎竿梅婦誚如嗔相公長史應疲
倦天子私人亦苦貧燕許文章粹祭大范韓勳伐受
降新夜來披霧窺乾象太白猶嫌忮角頻

其四

漫言閩越有雄關驛趨仙霞一片山已許尉佗削帝
號誰教蘇武不生還可憐擲笏背空裂何惜噴衣苦
未刪怪事傳聞憑道路小顏莊上寄書艱

懷范忠貞公也

其五

江干十萬頓貔貅羊祜三年保一州下瀨伏波皆太
將深溝高壘是奇謀紅烟息鼓琵琶洞白日投醪鸚
鵡洲無事指困求魯肅帑金月散曲江樓

其六

拓弓控轡下瀟湘不道瀟湘水渺茫風雪骷髏連庾

學源堂詩集 卷之六
嶺雞豚壁壘到南昌曹彬奏凱圖書籠馬援班師惹
苡囊此事千年誰肯再況多紅粉泣離鄉

其七

一旅曾聞破七盤抽刀來歛血闌干丈夫馬革韞鞬
接大將麟圖箭箠殘未得蠶叢穿鐵甲何來花蕊壓
雕鞍漢中扼要蜀秦楚莫信曹瞞雞肋看

其八

仰屋持籌近百端欲煩民力惜艱難計然術好宜升
秀卜式人賢已授官四姓小侯愁建旄五陵公子慶
彈冠三軍所過租應賜猶恐瘡痍有沒乾

其九

杜陵豪客似裴優白日攫金洛市頭未卽能興三里
霧莫須定取百狐裘賊曹有掾屈隆準司敗無權治
僕區破柱非勞京兆尹青檀子敬也難留

其十

滿觀桃花任意栽秋風先散楚蘭臺須知大野難空
駿不信長江也限才世法我彈門外瑟故人誰寄隴
頭梅紆朱拖紫無歆羨剩有斑衣學老萊

其十一

千麾萬隊壓西湖細柳深深學亞夫轉餉司徒兼置

吏觀軍書佐盡分符江東州郡珠還浦海上旌旗虎
負嶠裴度功成無退步已將綠野辦儲須總制李鄴
園破產募
兵

其十二

一年自了一年緣早咎弘羊大不然火滿恒山空煉
石金藏睢水枉跑泉凡歷自古無夫里惟士於今有
祭田焚草漫勞學叔子峴山泪墮更誰憐

初二日立春

二日立春春正初雪融水綻氣全舒風中騎馬酬新
歲午後關門理舊書蓓蕾梅花知節序翩翩燕子認

門閭老人意興無關涉酒琰茶鐺總自如

紀孟起樞部權關金陵

春風擘柳導霓竿司馬當關江界安鐵鎖截流龍虎
郡簪纓交舞鷄鷄冠兵連楚澤檣帆集貨達閩興市
舶寬權稅詰戎君並領好將商力壯三單

徐聲服守河間舊爲東鹿令去郡甚邇

滹沱曾種碧桃花三十年來蔭萬家太守今臨渤海
郡老人猶識潁川車高河古柳青迎旆碣石春雲曉
入衙君去自隨三日雨舊時棠樹也穠華

哭范觀公

學淵堂詩集 卷之六
驚傳閩賊殺忠臣老友心摧血目瞋一死於君原易
事五倫斯世有全人長虹夜結昏江海劫火灰飛泣
鬼神聞道九重深震悼中朝誰不淚沾巾

其二

黯淡闔天萬里雲英魂豈肯縱妖氛錢塘白馬江如
沸柴市黑風日乍曛自昔忠臣皆厲鬼於今降將是
殘軍爭光日月惟私誅大節平生却憶君

其三

憶君綺齒對臨軒珥筆同登金馬門騏驎不舂生月
鳳皇有意占平原讀書編絕名臣傳取友車停君

子村玉署風流今尚在龍圖學士是忠魂

其四

憶君尊酒話心朞睥睨金貂半小兒除却圖書無嗜
好帶來骨氣在鬚眉陽秋一部藏靈府碑礪千尋豎
玉池烈士心情原素蓄成仁莫道是臨時

其五

憶君孺慕鯉趨庭直欲將身譜孝經定省有時辭座
客瞻依常是戴殘星難爲肖子因堂構每念前人顧
肅銘文正忠宣皆世德忠良相效有餘馨

其六

學海詩集卷之六十一言集
憶君愛誦棣華篇荀氏人龍仲也賢劉璣夜猶東帶
語姜肱長不異衾眠吹篴未忍爲孤調刻鵠何常有
後愆如此家風誰不念傷心直作古人傳

其七

憶君黃閣掌絲綸十載叅知政事臣家世屢承天
子問謨猷時向宰公陳談來温室曾無樹吟到皇池
獨有春六丈風儀今往矣忍教碧血化青燐

其八

憶君玉署絳帷開北面人宗六館才四座春風卓爾
立一輪水鏡斐然裁昌黎舊有泰山望端木今爲梁
木哀繫馬沙堤多後輩慟君聲淚震蓬萊

其九

憶君投劾出承明不作東山絲竹聲子美病惟營藥
裹東坡生弗識基枰爲添鶴口刪殘客幾賣魚腸佐
麴生貧且千家待舉火至今誰不哭齊嬰

程蕉鹿督學浙江

如君才抱古誰班江左夷吾伯仲閒三尺匣中藏寶
氣萬華湖上採春顏文章猶待吾儕論經濟無如此
日艱雪浪錢塘高望好好攜尊酒到吳山

春日張永舒大學招同李湘北學士王北山給

諫杜子靜宮允張南溟比部雅集逸園次韻

四首

正欲降愁部酒兵銜杯爲愛遜園名舌存未許談時
事心老纔知澹物情小鳥爭來高閣噪新花還向舊
枝生灤魚易釀皆鄉味不羨張翰尊菜羹

其二

亭虛儘好受春風花樹沿牆四面紅養氣頻澆捐念
草驚心不踏可憐蟲尊前笑傲成佳況海內文章有
數公今古青蓮多逸興夜酣桃李將無同

其三

誰道蓬蒿仲蔚居近來修築儼清虛扶藤上格虬形
轉種竹臨窗个影疎客語豪常驚碧落詩才老欲過
黃初碁枰酒琰琴牀外數卷縱橫引睡書

其四

老至慙余失壯心却從京國覓蕭岑除非病裏書纔
廢但到花前醉亦吟玉署有閒訪及徧金吾不怕坐
更深傾壺莫話西南事羽檄時常過羽林

韓珠崖太史假歸畢姻

青門綠酒送歸頻獨爾韓侯意氣新折柳暫辭池上
客探花蒿闕月中人收棗玉笋珊瑚網撤去金蓮牛

學淵堂詩集 卷之六
女津計抵桐城方六月芙蓉岡上唱絲綸

荅吳岱觀

岱觀曾爲秦安令

何期君更訪燕臺松寺班荆笑語厯百里不容龐統
醉七章無乃仲宣哀故人京洛晨星在詞客平津舊
雨來我結書巢堪退老素心可許共傾杯

紅碧桃

移來仙種似琅玕艷壓春光猩血攢結實可堪懸玉
斗排枝蚤已綴瓊盤朝霞映樹天分影絳雪飄英地
不寒何意昌黎閨閣裏名花直作美人看

張子大選館志喜

子大尊人上若壬辰與余同館選

鳳雛翹羽鳳池濱家世登瀛歲在辰太乙夜逢名父
子延英晝接古君臣沙堤按轡三眠影玉水環牆六
館春獨有曲江風度好高吟白燕映前人

誄陳東海元戎

叱雷咤電盪羌秦騎繞龍沙露布真拜井耿恭心獨
烈抽刀來歛目猶瞋天愁沙攪三更雪鬼哭風掀萬
馬塵莫向禪林傷往事皇家指日畫麒麟

其二

代

百戰雄聲賊膽寒撼軍真比撼山難蔡人原可吾人
視蜀計其如鬼計奸麟閣佇看羆虎像玉泉重覩鷄

學源堂詩集 卷之六
鷄冠一門將相如元季報國西陲有范韓

其三 代

憤說羌人畫赤眉霜矛電掣掃黃池直看孱寇皆危
卵豈料降人有細兒綠草噴泉奇絕事黃沙攪雪異
常時雄心馬革伏波遂銅柱千年不朽垂

夏日同陳說巖詹事項眉山少詹馮胎仙庶子

雨後寄快園看蜀葵

官閒偶爲看花忙百可亭開醉碧香雨後客衣無襪
識尊前鳥語當笙簧園從快字宜休夏葵以蜀名尙
意鄉時事佛云不可說書生經濟在林塘

題蔚州李翁傳後

山川葱鬱古弘州昔有高賢似太丘一部孝經身自
譜百年家訓筆能畱人於亂後思王烈里向塾中祠
薛收賴得慈孫述祖德關西大鳥在松楸

孫岷瞻學士六月歸省

正從玉几聽薰風望裏高山感狄公一表陳情金闕
下三時就道火雲中近舟雨色宮袍綠夾岍荷花殿
炬紅自是舞斑干氣象德星還聚太湖東

蘇次公少廷尉終養

誰是不遑將母人陳情獨爾乞閒身唾壺酒琖皆行

李芒履荷裳是野臣久宦心情貧始見故園風味老
來親斑衣舞罷郎還舞樂事只今軼轍洵

吳長文歸白門

長文精堪
輿丹青

七十三翁賦遠游幾年蕭槭帝城秋雙睛迤邐搜鰲
背一管淋漓壓虎頭爲放白鷗增旅思欲看丹桂買
歸舟鍾山自有林深處莫遣桃花洞口流

立秋二日書百可亭壁

鳥歌花舞未全幽秋在人心易得秋微雨欲來涼北
牖夕陽無定下東樓蠓蚋結塞情何怯蟬螻成橋影
乍收獨有臥遊堪自遣倩誰畫壁滿滄洲

金長鎮守揚州

泠泠汝水芡甘棠重領邗州太守章望海金山先得
姓賦梅水部舊爲郎熊車九月茱萸路竹馬十城杭
稻鄉到郡定臨蓉閣望召伯堤是謝安塘

送胡允大大叅守漢中

廿載重尋車笠盟濶懷纔慰送君行驂驅引轡秦關
遠鸚鵡隨車蜀道平古壘尙存諸葛蹟甘霖先到隗
囂城廉泉一滴清如鏡恰是雲峰夫子情

客有和蘇長公金山寺迴文七律者偶和其和

潮來海擁碧山傾月落荒洲雪夜明橋口江鷗千點

白塔心石佛一燈清迢迢望水淮烟暗歷歷看帆湖
色晴遙指一林瓊觀古脩脩閣上覺身輕

雨中過薛衛公給諫宅談往事

茫茫海宇正昇平況復秋霖入座清獨樂但聞冠蓋
里閒愁惟有洛陽生談深對燭流螢滿感舊掀髯落
葉輕經術淵源君共我可憐白髮太縱橫

題畫冊

空山蕭槭響樵歌有岸無舟石子河不惜芒屨踏小
徑欲尋栗里過荒坡峻嶒古壁皴紅蘚詰屈寒松裊
碧蘿獨坐日移看不厭幾時來住此巖阿

送顧見山出任陝西臬僉分巡洮岷道

雲閒才子水曹郎雪月征車去朔方憲與西臺分斧
鉞星從北斗見文章五原石峽秋烟紫萬里金城水
氣黃堪羨霓旌千騎擁蕭關迢遞不淒涼

其二

除豪氣盡鬢塗霜正欲從君臥石倉見說虎頭行紫
塞誰教龍首鎮青羌邊烽夜靜連榆谷風雪天高度
渭陽西隴無梅勞驛使疊歌宛轉對離觴

其三

匣中秋水正光芒按部蘭皋氣自揚未是中朝疎賈

傅祇緣邊郡愛斬王標銅好傷莊浪堡憇樹還尋蔽
芾棠功比長城今古似一官我已誤文章

其四

少年憶我到河湟六月炎天愛鷓鴣吊古尋題賦不
了買愁命酒醉何妨莫憐礪積千年雪且喜人迎五
色羊盛世酬勲知有待佇看卿月照巖廊

東穎上人

聽法從君三十年相逢相對各悽然懸輪何處尋雙
樹珥筆終朝見八磚破衲尙無蜺斗累貧官只有屣
提緣蓮臺阿閣須人到如許頭顱雪滿顛

維揚劉峻度令曲陽治有聲境內奏瑞禾雙犢
之異

山縣無勞蒲作鞭調琴弄雀吏如僊君心河酌恒河
水民事深耕大陸烟綠雨車前看兩穗白雲村裏字
雙犍他年顧問卿三異依舊劉昆對偶然

曲陽雙穗

曲陽僊令漢劉寬終日懸蒲署宇寒父老當階手有
獻嘉禾蔽野穗無單傾筐丫丫青黃合解捆穰穰雨
露溥君有佳祥民有慶漁陽岐麥可同觀

曲陽牛產雙犢

學源堂詩集 卷之六
嘉禾紀瑞幾多時又報新聞是牧兒老特孳生關造
化野欄戲鰓見雍熙雄雌可佩何須賣畝畝無荒不
用疑黃霸內徵饒有兆恒山蚤晚鳳來儀

燻兒入邑庠

平生宦況比鮎竿却爲兒曹羨鵲冠四海風聲多戰
鼓一時鄉里尙文壇黃花白露開鬢序鴻雁秋風趁
羽翰莫漫從人說萬里秀才天下任方難

步月

集字

皎鏡浮空桂魄涼詩翁酒社漫攜將莫須五馬驕殘
夜但遣雙鳧趁古牆淺影微微疑雪濕孤音歷歷報
雞荒羈棲最惜聞鐘鼓且拂塵襟慰石梁

送白仲調進士歸金陵

驚看君去意昂然白羽紅烽路幾千家在三江龍虎
地人歸八月雁鴻天休嗟知己無劉尹須信同心有
呂虔舟到金山應大嘯一聲吹斷海門烟

寄題李漑林觀靜樓

誰好樓居李謫仙滄桑滄岸歎沙田花開君子香三
里竹隱高人醉七賢碧水蒼嵐皆趙野海光岳色是
齊烟此中觀靜原無事一卷一杯復一絃

秋暮宋子昭民部邀項眉山王子言學士趙鐵

源太史謝方山舍人泛舟大通橋賦詩漫步

其韻

久擬凌波未放槎羨君招客潞河涯霜沉秋水明于鏡風展紅林爛若霞就岸添杯呼酒肆停橈舉網傲漁家懸知醉裏愁心在怕說城頭急暮笳

和王子言白髮詩

幾點霜華贈此翁鬢髮却不似飛蓬人情黑白分明甚爾意蒼茫長短同拚與緇塵撲面黑借將綠酒上顏紅魏徵斌嬾陳平美千古英雄色是空

寫況荅友人

時事真無一可愁閒聽消息雪盈頭神仙有字不中食衙舍無壇豈怕偷虛與兒孫說棗栗偶因詩賦見羊求疎慵合並乾螢老却悔當年買劔緱

金臺夕照

集字

草閒荒阜自岑岑慨是昭王下士林落雁飛沙仍地氣空山涸水見天心斜陽入樹青蒼變苦霧漫臺狐兔侵霸蹟賢踪都可吊祇今人但說黃金

秋日同魏環溪侍郎富磐伯王子言陳說巖三

學士史子脩張孟敦趙鐵源李山公四太史

魏無偽太學集字賦得霜葉紅於二月花

學源堂詩集 卷之六
滿眼寒光澹却濃疎枝老葉錦衣封共愁青女欺花
日獨見黃山中酒容桃李秋華休紀異園林剪綵遂
無冬一般春色枝頭開不轉黃鸝響砌蒼

蘆溝曉月

集字

濤翻星斗度桑乾促迫征人更漏殘野水沙明雞唱
蚤孤城煙澹月光寒馬行戍壘高低影雁起蘆花遠
近灘纔過虹橋迤邐望五雲多處是長安

其二

古渡荒荒遠抱沙征人行處樹烟遮西山搖動雲浮
鏡北海熹微樹引霞楊柳風殘河兩畔虹橋雞唱市

千家不知車馬長安客幾度蘆溝見月斜

道日和尙折山中蠟梅見貽賦答之

知爾拈花笑幾時冷香遙贈兩三枝分將山色憑高
士剩有酸風護法師正色莫嫌蜂蝶少寒芳猶喜雪
霜遲瑤瓶絕勝巡簷笑不作羅浮夢裏癡

薊門煙樹

集字

青霞碧靄鬱氤氳歷歷晴看古薊門萬里松杉連怪
石一天雲霧鎖荒屯盧龍盡處滄溟接白馬乾時黃
洛昏想見當年雄虎豹尙餘殘壘枕高原

西山霽雪

集字

學源堂詩集 卷之六
天將白練捲西山一夜東風放却還別透槎枒疑樹
秃削成窸窣覺雲頑金光幾點幾重寺翠靄一叢一
處灣爲惜舊遊驚復喜洗空題句碧峰閒

冬至日雪集同人看梅

生恐愁從此日添六花黯澹覆重檐山光漠漠扶雲
迴野色蒼蒼逼樹巖獨有盆梅寒自笑況多詞客醉
無嫌長吟滿酌真吾事莫爲經天太白占

趙潔菴侍御視鹺兩浙

糴海猶勞獬豸冠吳山越水跨驄鞍平原公子人如
璧烏府先生雪作肝五月霜風開鐵釜一天數雨到

鹽官當年塵甑成謠處父老知能識范丹

侍御舊爲
淳安令

玉田江翠華祀鄉校

何處無人祀馨宗馨香莫比翠華濃燕山孤竹一鄉
善秦國甘棠百里封歸去來兮門種柳身將隱矣手
盤松行藏仕止真無愧宜與前賢聽鼓鐘

讀林北海治河疏藁

淮南昏墊厯宸心誰爲乘橈拯陸沉瓠子波中空
白璧滎陽堤上總黃金河渠太史書源委禹貢司空
辨古今猷有老臣識此意忍將石畫祕山林

太倉周二爲與先大夫交久而善予見時常

學淵堂詩集 卷之六
從之遊四十年來音問疎絕恒厪於懷迺者
其嗣子某來都相晤知二爲已作古人愴然
有感賦此貽之

髫年辟珥識人豪隔代逢君羨鳳毛家學難忘厨顧
譽故人重訂紀羣交有懷往事頻傾竚徒賦新知未
贈刀去矣何時還入洛於今正愛鬱輪袍

汴梁王烈女殉節詩

大梁風氣鬱沉沉鐵石偏鍾烈女心淚灑纈帷皆血
性魄歸鴛塚豈孤禽堂前白髮幾人慟地下黃泉何
處尋志在殉夫渾不管芳名博得渙綸音

乙卯夏百可亭梁上產菌一莖狀類荷大如甌
長三寸許白莖黃蓋雲紋紫纈香隱隱襲人
衣久之質堅若木丙辰夏再產一莖丁巳夏
連產二莖客有見者曰芝也是爲瑞余不謂
然夫芝瑞草也先人取之以字余而謂是是
乎客曰抱朴子云芝有石木草肉水菌百許
種木芝者生千歲松上狀似蓮葉名曰木威
非是而何余終不謂然賦詩紀之

築亭合受一林香神菌何期產畫梁宛宛玉荷分紫
纈戎戎雲蓋點黃霜襲馨自比交君子獻瑞還宜報

聖王漫說芝田西海在三年三觀木威芳

送冀公冶大司空兼寄申臯盟昆季

元臣去國下崇班酒滿青門照客顏三十年來天北
斗一千里外地東山河渠書卷充行李蘭玉兒郎共
閒關我老送君翻自愧草堂何日舞萊斑

其二

紅塵客滿御河東快矣君披南面風潭柘山看雲影
外桑乾水渡月明中老臣豈忍希疏傅聖主還須召
謝公二陸何如憑問訊爲言詩果到窮工

市閣凌霄

須彌身現說經筵閣建前朝戰伐年舉手便捫七寶
闕到頭只讓九重天樹間自動鷄泉轉海上青浮日
觀懸真是登臨低萬象西來山色盡蒼然

奎樓應宿

城頭傑構勢崑崙奎壁遙連百雉雄縹緲任教雲在
下岌嶷不許雁橫空水光南遶皆雞距山色西來是
葛公風景莫言非勝絕譙樓指點翠烟中

葛公山名

橫翠朝暉

勝蹟孤懸古秦州樓名橫翠意非浮晴連海日樓添
翠雨逼朝烟翠擁樓郡國銅壺還滴滴將軍絲管已

悠悠香風在萼來何處知是蓮花池上頭

蓮漪夏艷

炎天何處靜無埃
偶到臨漪亭上來
君子花香水鳥
過聖人酒泛畫船開
因逢柳蔭頻披拂
爲折蓮房幾
溯洄安得樓臺爽
兩岼望瀛真不羨東萊

郎山聳秀

西山積雪鬱茫茫
翠壁峻嶒易水陽
罩日松虬垂赤
鬣割雲石劍挺青
鋌丈人宛在西屏立
五老居然北
嶽長千古呼郎真
不媿須彌空說大身王

雞水環清

沈泉瀆起玉川城
萬斛明珠細細傾
近水人家譽白
小傍河田洫種青
精鯤鮪游泳澄堪
數舴艋逍遙夜
可行聞說河清侯
有兆居人何不請長纓

東臯春雨

三月春郊雨濯花
東門有水漚菅麻
纖纖鶯綴黃金
柳的的茵生白玉
沙望去不知天
蟬螻行來惟見地
雲霞落紅滿徑誰
收拾吹入前村賣酒家

西刹秋濤

雨積秋原河伯驕
拍天滾滾不容橋
龍叅佛座波爭
立水奪僧門徑轉
遙魚上岼來蛙鼓
迓鸛投村去酒

帘招保陽景物看如許暢是松關聽野潮

贈嘯堂和尚

順治己亥住持 禁內

眼光穿破蜃樓臺老向深林養聖胎筆爲註經封碧
塚葉因臨帖掃紅堆軸簾自分無塵入面壁何知有
客來幾欲著衣還太息安陀會是尙方裁

趙韞退大叅分守河北

王屋蒼生逐百泉使君特節去旬宣賈生當日原年
少汲黯於今許召還一道清風淇水曲三分古蹟鄴
臺邊紅烽白羽民勞止往矣塞帷問滏川

其二

不歌蒼生望謝安倚樓名久歷詞壇人如白璧非常
品地到黃河況大觀棗郡平沙白的礫竹園秋雨綠
琅玕詩成珠玉奚囊滿千里燕臺屬和難

王北山給諫擢京卿乞假歸荏平

瑣掖新遷是冷卿偶懷萼菜出燕京篋中但有遊山
句馬上猶餘諫獵情秋水黃花隨地艷高天白露向
人清知君抵里饒佳興定遣雙鳧訪岱瀛

雲社諸子應京兆試

正感羣英廢蓼莪賓興無那動離歌秋空鷓鴣摩天
起雨霽魚龍橫海過月闕生花皆桂子燕臺下酒有

蘋婆鬱輪袍曲憑人唱夢就搏羊奈爾何

廣陵潘楚吟來游京師僦居僻地築屋如舫顏
曰停帆客競賦之積久成帙不揣續貂真同

畫虎

俊人栖止到來幽書屋居然米芾舟明月疑懸楊柳
岍曉風似動蓼花洲烟塵匝地虛難泛波浪兼天穩
不流我欲停帆還倚徙乾坤何處不悲秋

秋初王濂夫明府過二瞻廬

郊垞地僻草廬寒仙令何期訪素冠冉冉雙鳧過雉
堞盈盈一水照旌干棘人不忍談風雅才子猶能策

治安最是夕陽催客去蘆花深處小兒看

毛翁移花六本於廬前

頻年老嘆霧中花況復樂樂未有涯雲度孤村幽室
況蟬吟高樹野人家蓼莪廢後空秋水金粟移來正
月華莫道上林看不厭上林春色隔堤沙

題劉孝子墓

古攏孤垂鷁水邊白沙紅樹挂愁烟但知遺恨惟風
木那解傷心有斷絃百行已完君一事千秋不朽此
三年人來覽碣還興歎伯道無兒劇可憐

中秋潘楚吟孫衛公顧余於廬中同藤仙弟坐

月

月是故鄉秋復清感懷霜露歇含情客來蘿薜青霞
繞酒對蟾蜍白髮明談往總傷今日事憐才翻憶故
人名地偏佳節無歌吹愛有蕭蕭樹裏聲

二瞻廬除夕感懷

尋常此夕動悲歌怪是燕人習氣多埋首素冠寧有
恨驚心黃鳥豈無叱數聞遠客來鷄絮忍見門生廢
蓼莪不擊唾壺甘老櫪年來侘傺意如何

其二

一寸赫蹠惜若金馬痕掃斷鍵深深任棠置水真多
事原憲歌商自好音野婦何心甘猛虎村童甚日見
馴禽從教優孟傷情後誰肯石頭載鬱林

其三

頌椒傳柏鬧春城野外憂人萬慮清刻燭吟安剛七
字漏籌坐聽已三更僧來辭歲聾難話僮爲思家睡
不成防盜里人還擊柝通宵爆竹想昇平

其四

行藏出處竟誰如深悔童年誤讀書只有中庸能召
福更無論語可充閭典衣卒歲貧成例沽酒祠詩老
自譽屈指年華堪慰藉一門百口儼同居

學海堂詩集 卷之六
渡江

渾茫一氣轉驚湍人過中流態自安一點金山猶鼻
屨兩灣銀海任波瀾江迴洲渚關龍氣岸擁鏡鉦駐
虎官莫信天教限南北千尋鐵鎖不曾闌

鎮江

城勢逶迤象斗杓南徐形勝峙金焦長河直灌春申
浦巨艦平過丁卯橋組練日騰罷虎氣雲霞夜逐海
江潮神仙瘞鶴知何處剩有華陽字未消

北固山

一峰翠峯枕江干夕日霞蒸樹色團吳楚乾坤雲外
盡淮揚煙水望中寒蕭梁到此猶瞻顧道衍何人敢
倦看千古英雄餘戰壘梵林鐘鼓漸敲殘

金山寺

屹立波心儼石槎浮圖天半梵王家水飛鐵甕龍叅
座雲接金陵女散花吞海寺亭名有亭藏貝葉橫江無
鎖泛袈裟松關直與盤渦對不著豪情不放槎

泊京口

百里揚舲過潤州停帆恰對大江流金山寺近聞鐘
鼓鐵甕城高應斗牛地到海門雲自密水來天塹浪
全收三更坐聽濤聲急荻渚風吹一片秋

三义口登天中埵

攬結江山樓觀多登臨不似此嵯峨穿雲縹緲天中影分水潺湲人字河一疋練明揚子渡數叢煙動楚山螺帆檣來往無昏曉誰暇停舟禮埵婆

梵語曰埵婆

重登大觀樓次壁閒韻

叠岸危樓霄漢閒南徐北固見雲還九州地勢收平楚萬里江流入斷山滿眼蕭蕭今甓社憑闌漠漠古昭關塌來沮洳成萋草無限愁心懶更攀

射江干

江草江花霜後枯西風獵獵試雕弧弦鳴水泊沉鼉甲羽沒沙田起雁奴命中敢言臣好武挽強誰道汝爲儒上林賦就相如老且對金山傾一壺

中秋飲周子苓二丘堂

遶岸籃輿十里遙爲看秋月過三橋半塘水淺芙蓉瘦蕭寺雲涼石竺嬌門對清流高士宅酒傾紅樹美人蕉胥江旱後深纜尺莫怪遊人日寂寥

雨中過無錫望惠山

囊囊冷雨布帆輕蓼岸蘋洲畫裏行霧隱半山惟埵直雲連孤嶼與江平十分秋色紅林寺一帶湖光綠水城舟度梁谿遊興阻毘陵渺渺暮烟橫

贈程穆倩山人

甘載懷君老至逢薔薇不枉爲南豐縱談身世悲桑
海屈指知交歎雪鴻酒國有人堪獨往硯田無種與
時窮干旌早晚徵耆舊莫掩邗江半畝宮

贈查二瞻

豪情君雅慕田文花月揚州對客醺漢季文章鍾太
傅晉時翰墨右將軍柳眠陶徑無凡鳥鶴放林家見
懶雲載酒問奇屢常滿甓湖應不羨鷺羣

真州舟中別雪海話至夜分

如鳧小艇恰容燈慙說仙舟共李膺經濟有懷君不
見文章無用我何能夜深促膝星移樹潮長分襟水
沒菱千載相期憑底事名山莫遣盡藏僧

輓魏善伯

曾爲范忠貞公幕客

峨眉枯後翠微榮聲問瑤房滿四瀛君舌尙存原可
用彼庭難哭亦無成揭竿市僧非南越沸鼎才人竟
酈生泉路若還逢范叔遼東華表好同行

范謂忠貞公也

虎丘遇師左珣儀部得附家書

海湧峰高雁影低艤舟峰下歎栖栖乍聞鄉語曾如
杵快覩情親耳欲提客況蕭疎霜後葉家音迢遞枕
中雞浪遊莫笑余垂橐水色山光已滿攜

寄輓李與偕孝廉

博學精醫丙辰別時曾以二親未葬膝下尙虛爲憂

抑塞磊落之奇才不老胡然赴夜臺
易穀人應思董奉請車誰弗惜
顏回山中龍虎知難卜夢裏熊羆恐
未來哭爻頻年雙眼暗廣陵散絕更堪哀

詠南天燭

俗訛稱天竹非

絳雪纍纍凍不枯攢瓊簇錦儼朱
孺朝霞影散千叢紫返照煙凝萬粒
硃翠樹分明巢鷺鷥竹林誰更闢
珊瑚紅衫綵絲臨風舞錯認春花百子圖

其二

錦樹離離火齊珠猜花疑實眼模糊
料非青女催紅葉莫是蒼松下赤烏
雪裏石櫺訝冷艷霜前盧橘遜純朱
多應夜讌金張醉亂脫冠纓掛木奴

平望舟中望湖村

天低樹迥凍雲鋪水共人家競一湖
鷺鴨戲波白聚散松篁遶屋綠參殊
全憑氣轉陰晴變不是煙連島嶼孤
何事邨頭都繫艇石壕有吏正催租

嘉禾道中

東吳名郡說嘉禾沃壤平疇掌上過
不羨綠奴垂玉顆惟勤紅女弄金梭
舟無港折真長水湖有霞騰信異螺
怪底文章傳顧陸紫雲山上筆峰多

長水異螺見嘉興志

杭州

形勝東南霸國圖十分秀麗占西湖錢塘自可關
粵樵李何能抗楚吳潮起腥風來海嶼帆開冷月去
平蕪總饒山水文章樣只許當年小宋都

上天竺寺

巍峩臺殿倚空青古木陰森燭散星燕邸梅檀馱馬
去宋時霖雨呪龍靈異香一路菩提樹寶氣千年舍
利瓶石上天花猶有跡遠公會此坐談經

三四本
湖志

飛來峰

斑駁峻嶒幽怪姿飛來應愛冷泉澌玲瓏洞壑愁將
壓偃蹇松篁老不垂千尺凍蛟雲過角一羣狂象雪
皴肌似叅佛座森森立莫敢奔騰過海湄

冷泉亭

霜天雪月冷泉亭樹不蕭條水不腥一部笙琴石澗
奏半池星宿碧雲停歲供古刹優曇鉢日洗奇峯虎
豹形此水此山真勝絕好將補入道元經

登寶樹山絕頂

高謁浮圖屐破雲快登法界望朝曛越江三折青爲
嶂吳嶺千章紫作氛烟裏鳧原人汎汎樹閒蝶是鳥
紛紛武林勝槩峯頭盡圖畫慚非宗少文

書淨慈寺壁上

西冷西去背南屏淨寺嵯峨雪後青三百比丘清戒
律半千羅漢古儀型鶴巢松頂馴鐘鼓槍射湖灣鎮
怪精劫火前年聞更烈須誰醉後吐金星

六八本
湖志

書昭慶寺殿壁

湖頭名利歷千年第一莊嚴兜率天投及我來星落
落將無佛去草芊芊綠沉臥雨樓鐘鼓黃葉翻風寺
井泉賴底曇光猶未寂南屏樹色送青烟

湖上喜遇查正望都諫

駕言江國獨囂囂湖上逢君慰寂寥題句杏園餘我

輩論心蕭寺快今朝飛光只解催雙鬢止水猶能剩
六橋如此情懷那不醉黃柑三百一壺消

登吳山大觀臺

羣山鼓舞赴錢塘第一峯高吳越疆臺出樹閒絕鳥
雀人來雲表振衣裳石巖浸水湖光碧荻岸連沙江
氣黃城市西南揮汗雨富春東去曉蒼蒼

查王望都諫招同孫岷瞻學士飲湖船談至夜
分步歸寺寓

山頭雪散水流烟素侶銜杯此放船談到解頤方覺
快飲留殘瀋不爲仙陳湖得客開生面明月窺人長

半邊捫虱自慚狂已甚佐君諫草與經筵

題錢塘梁承篤明府柳村漁樂園

森森水際柳成村曬網漁郎艇繫門一幅青帘衝燕子幾艖白水煮河豚溪邊展席兒同臥林下傳杯醉有言如此畫圖真樂國勞人那不憶家園

天寧寺觀塔燈

穿雲古塔迴峻嶒碧燄千枝夜散燈照徹諸天星宿爛光流法界鬼神興菩提影動疑花放鴻雁聲高見月升萬象銷沉鐘磬寂木魚隱隱響瓠核

對影口占

落落孤踪誰可羣閒庭顧影對朝曛自知狂直一無二敢道英雄我與君絲線何勞繡公子丹青不用畫將軍陶潛贈蒼空猶色安得沉香就爾熏

賦得日日典春衣

自慚官未拜龍圖安得金貂當酒壚檢筭尚存曾點服質錢頻付鄧家奴連朝忍用絲爲粟何日能將銅點蚨禱祀今年七夕雨不然南阮一禪無

萬柳園

蒼煙鬱鬱曳西風萬柳名園景物叢雨氣欲沉秋水碧蟬聲不斷夕陽紅客來金谷圍珠履酒散瑤池策

玉驄潤色太平真相業風流莫更說廉公

秋快

一葉桐飄暑不侵秋來萬事快人心天高日奏霓裳
曲雲淨時吹畫角音車馬人才喧紫陌桂珠民用賤
黃金漫言十載勤供億蚤晚蠻烟次第沉

其二

田多螟螣尙年豐不用韓文更送窮羨賦官廉皆什
一省刑民訟到三公綠林客老萑苻靜白面郎饒闖
闖通四海只今誰最樂彈冠起舞素封翁

中秋

疎狂不解賦悲秋喜是秋分杵魄流匝地繁花落玉
露干霄喬木影瓊樓一杯對客河懸口萬事輸人雪
滿頭安頓此身何處好綸竿只合釣滄洲

其二

秋風歷歷動庭莎爲遣愁心一放歌蟾闕飄香皆桂
子燕京下酒有蘋婆臣飢欲死東方朔我老猶能馬
伏波坐久無須頻問夜長吟直待落銀河

甲午卜居宣武坊西斜街者歷五年甲辰再至

項復三至屈指三十年矣感賦

鳳城西陌聳華閭有客頻來賦卜居非愛近天依杜

學源堂詩集 卷之六
曲自憐無地起蝸廬碧雲山色高窗盡玉水河聲小
院虛日日衙回門靜掩黃花紅葉滿庭除

蒔菊

空庭只有雀聲喧賴得黃花種滿盆金色照人看不
厭碧雲覆地望如翻家園此日開三徑旅舍何時倒
一尊今古遙憐陶靖節無錢對菊枉銷魂

賦得無錢對菊花

看花豈忍負三秋買酒無錢菊亦愁北海尊空寒露
滿東籬人靜晚香浮官貧久已羞囊底客老都難解
杖頭只有金貂還可貰陶潛其奈未封侯

辛酉九日登慈仁寺毘盧閣

重陽無酒負黃花佛閣登臨眺望賒雲霧不時來古
苑金銀有氣落誰家蘆溝草白千聲雁潭柘霜紅九
月霞萬事蕭條吾遂老懶將身世問恒沙

張子來菴舉京兆志喜書以賀之

來菴居
同巷

不知老至好論文四座同心愛有君郢曲宮商原白
雪秋風鷓鴣上青雲鹿茸滿飲情新暢雁塔高題事
更殷一巷兩門欣近在篝燈好共檢香芸

雪後坐庭軒

雪積庭除不覺寒晴軒徙倚老懷寬太平有詔蠲新

賦極樂無緣笑冷官嶺上蠟梅誰折贈簷頭瓦雀自
盤桓文章數卷閒遮眼一任長沙策治安

孫赤崕以修城樓工從謫所放還用陳心簡韻
破帽疲驢過錦州風霜絕徼飽經由蘇卿不老黃龍
塞韓垺真修五鳳樓海雁孤飛憐楚澤江天一望見
吳舟還家倘憶鵲鴿賦春草池塘夢裏愁

和陳心簡送孫赤崕自謫所西歸

遷客今纔返洛州眉山兄弟剩蘇由吳江近望三千
里燕市重看十二樓雪色夢離沙塞路春風人上木
蘭舟文章畢竟逢知己漫爲淒涼賦莫愁

三疊由字和高鏡庭稼部

長吟入塞古遼州回首龍沙盡所由窮海雀歸猶有
杜殘星人倚更無樓東來紫氣驚關吏南望滄波駕
葉舟屈指到家殘卷在繡帷寂寂亦堪愁

赤崖
鼓盆

吳漢槎赦歸和高鏡庭韻

冰天不比玉門關黑水白山甌脫閒遙聽金雞應墮
涸乍辭鐵馬定開顏一家羈旅瞻雲入萬里孤臣伴
雁還彩筆頌恩應有作詞源三峽倒潺湲

聞滇捷

滇水
北流

露布遙騰萬里喧王師今始破羊藩點蒼花石銘堪

勒諸葛銅標字可翻馬踏滇池無逆水旗奉龍尾是
荒原三難 廡算應搯勝猶恐吳平慮轉煩

送金豹文壻

玉潤英英二十年外家攜贈祇詩篇今來容貌癯孤
崔歸去行裝冷一瓊使米如珠非可餽解衣無絮亦
難穿 熙時宦況應如此莫笑水清枉木天

送汪鍾如吏部假歸爲太夫稱觴

藤花署裏草陳情感動 天顏 詔汝行天部威儀
持玉尺日邊祖帳勸瑤觥得來桃實南陔獻歸去雲
謠謔背賡壽母仙郎榮寵極西王青鳥定傳聲

題張崔洲小像

崔洲蜀人官行人
罷後流寓武清

畫圖省識儼仙郎衣佩疑含粉馨香萬里峨嵋天際
月十年碣石海門霜頻來栗里貪看菊不讀騷經愛
引觴漫說少陵身作客帝鄉誰道是他鄉

除夕寫懷

通籍瀛洲三十年伐檀媿諷古人篇勲名子美頻看
鏡書畫元章未放船滿目冰花金馬署一身雪氣蠟
梅天不才如我何曾棄歲到春秋給俸錢

其二

少時擬奏治安書老際昇平意轉疎六府孔脩堪嘯

諾萬方多助已贏餘人才淵藪金生水世法叢林木
得魚幾欲買山尋鄭谷山中猛虎橫柴車

其三

歸與難賦且栖遲豈比鷓鴣借一枝有道賤貧原足
耻無才頰仰亦堪嗤翩翩裘馬皆生客袞袞台衡半
故知季孟之間吾自待唾壺歌罷不勝悲

其四

行藏對影自譏評婚嫁何常誤向平鮎上竹竿妻自
誚腹蟠松樹夢誰驚匣中秋水當年意鬢裏霜華此
日情千古癡人惟狗監後來誰肯重虛聲

其五

嗟余求友不求聲屈膝如蘭歎死生自謂孔叢逢范
式誰教希烈殺真卿褒忠久下鑿坡詔討賊新傳柏
府名河岳日星吾友在久要豈忍負難盟

其六

潦倒從來任此官冰心一片不知寒那堪世眼窺天
小遂使人歌行路難徧地樓臺羞寇準滿林雨雪傲
袁安會看蜂蝶春風舞莫遣梅花臘月殘

張敦復學士假歸皖城遷葬

承恩晝錦亞卿歸繡襖天香驛路翻豈憶尊鱸鄉味

學淵堂詩集 卷之六
美只愁龍虎地形違鶯花滿目帆千里雨露連江水
一圍自是君心懸魏闕鳳毛喜可佐垂衣

壬戌清明

節序如流老不禁鶯啼花發倍關心長安景物桃披
錦大塊文章柳帶金雲裏秋千公子蹴雨前蘭尾五
侯斟蕭條似我憑何遣唯有韓翃句可吟

六十初度

閱盡天干與地支蒼蒼蒲柳欲零時無才七尺空如
許有志千秋僅在茲蜃氣樓臺雙眼暗鏡花人物寸
心癡行藏用舍思過半且把豪情付酒卮

挽李野臣侍御

登朝少壯聚長安丰采稜稜羨豸冠曾幾何時南北
隔那禁此日死生歎龍門世自思元禮柏府人猶慟
史丹一束生芻千古事岱雲東望汨沈瀾

韓燕翼分憲天津

折柳青門了不愁天津水北是神州魚龍千尺直沽
口日月雙丸望海樓地界燕齊連碣石憲爲文武頌
韓侯舊時朋輩馮唐老賦得停雲佇晚秋

夏日偶作

誰道金門是貴游蕭然邸舍似深秋鳳城渺隔紅雲

遠鶴逕常閒綠草稠只有書聲兒女聒更無酒茗主
賓酬小年長日嗟何事磨洗秦銅照白頭

除夕

官梅香發柏觴傳閱盡千支老自憐善狀數莖新白
髮甘心一片舊青瑣鳴霜到處催殘臘爆竹誰家費
浪錢莫學洛陽籌十策祇今宛是太平年

癸亥正月初二日試筆

愧無綾刺可投人剩柏殘椒自在身劈紙屬童封舊
橐濡毫題句趁清晨閒庭日靜風盤雪小屋香浮花
探春莫說冷官乏好況長年蕭散此初旬

穀日立春

經冬無雪劇愁人卜歲欣當穀日春身老最宜逢律
煖年豐纔不碍官貧柳絲一點青初變莫莢八開綠

正新此日玉維曾奏曲非才豈敢效西顰

袍曲於岐王

正月十六日喜雪

同雲欣覩上天浮不惜殘燈照雪毬田父曆應占歲
稔仙人斲豈爲寒愁瑤華色暎朱樓艷梅蕊春從碧
海偷莫學袁安惟冷臥傾杯喜與六花酬

龍在淵令諸賢

在淵佞佛

何甘虛負宰官身特爲蒼生再縮綸浙越山川千里
秀苧蘿兵燹萬家貧種花蚤種菩提樹馴雉先馴橫
海鱗車到縣中十日雨使君端的是龍人

雪鴻堂作

日晴庭做露溥溥掃斷蹄痕是冷官青草入簾秋未
老黃花滿砌日初寒豹斑自向雲中變鴻爪須從雪
後看便落三鱣人不信朱門振古笑彈冠

歲暮偶作

閱盡今年憶去年依然我與我周旋移居近市門逾
靜束帶趨朝座歆偏掃斷蹄痕憐李賀揮燵墨潘笑

張顛休嗟宦況如僧臘白髮青衫老木天

除夕和徐立齋總憲韻

東華廿載受紅塵似醉疑醒笑此身元會喜逢新甲
子微官羞說舊壬辰月偏小建寒催令燭到殘冬懶
對人柏酒椒盤都不問劈箋處處貼宜春

元旦和徐立齋韻

朝回靜偃念吾生三十餘年誤飲名命裏文昌憐久
暗眼前春色愛初晴老妻獻節屠蘇酒穉子分甘大
麥餽賀歲漫勞車馬駐三冬積雪與門平

秦中興安鎮總戎程君孀母康太夫人甲申罹

寇變投崖死程君行賦中訪母屍至興安遇
總戎任君哀其志移師破賊且曰子非凡人
貌它日亦當建旗鼓於此程君夜隨燐火尋
得母屍出積石中面色如生旋馘賊渠首歸
而祭其母後果爲興安總戎一烈一孝一奇
相術誠三絕云

繡闈驚說動妖氛慷慨投崖烈節芬鬼火天猶憐孝
子虎頭人自識將軍身名不朽香青史手澤嘗存哭
白雲此日九原應一笑龍章鵠印正酬勲

送崔夏章少詹罷歸長垣

卽寄太翁
成一同年

青宮少尹出春明十丈紅塵此日清不信文園真病
渴爭如令伯省陳情蘆溝送客桃花水督亢催人柳
浪鶯抵里過庭應有問爲言北郭二毛生

寄崔成一封君

新安人曾爲白
水令移家長垣

羨君五柳遠風塵我欲從之共結隣鄴下淇原通衛
水洛陽程邵總燕人著書幾擔休藏井釀黍千罌好
醉春見說天倫成樂事德星夜夜聚河濱

挽李坦園相國

太微何夕黯三台天柱聳然此日摧兩代綸扉名父
子千秋汗簡大人才夔龍贊帝方明弼箕尾乘星忽

去來誰不爲君雙袖濕高陽同里更銜哀

其二

視草鑿坡不見公訃傳九陌淚成叢幾班玉筍朱纓
絕傾國金魚白馬同泣鳳悲麟人有恨停歌罷杵世
無窮蔡邕下筆真非愧況復丁寧在未終

相國彌留時曾以行

狀相屬

其三

官拜台衡尙典型年週花甲未頽齡龍蛇歲厭嗟非
次松柏姿寒怪亦零人鑑難畱明主悼川舟有濟
太常銘玉皇香案知高在認取薇垣第幾星

其四

桂籍蘭交四十年紅塵紫氣倏茫然猶疑顏色屋梁
月誰復歌彈山水絃管仲滂沱鮑叔衽林宗寂寞洛
陽船三公有劔無須掛只許門生誅共傳

其五

慟餘步履到平泉看竹無人意慘然木石今來猶綠
野衣冠何處得青蓮池花泣雨雙蓮蕊林鳥啼風幾
杜鵑華屋山丘吟罷返羊曇當日是經年

其六

呼君不起枉招魂握手三珠聲淚吞綽有父風雖可

念難忘友誼更何言滄浪逝矣哀王粲梁棟折兮慟
謝觀他日宸遊盧相里定書碑記付兒孫

其七

懷想芝眉總不真仰瞻遺像劇沾巾繡裳璀璨疑垂
黻赤舄逍遙遂絕塵揖手如逢雲外客對圖猶憶座
中春凌烟下淚何年事老友唏噓正愴神

相國小像
儼然如生

其八

忠愛纏綿遺表文金滕從此日含芬有思有漸懷名
論誰倚誰毘動聖君仁義之言須後驗治安有策
豈重聞西園禮器行應撤粹德清忠念舊勲

粹德清
忠司馬

温公
碑額

其九

哭君桑梓慨同聲猷我汎瀾別有情戴笠難忘盟綺
歲濡毫豈忍寫銘旌泰山頽矣哀吾道北海悽然痛
老成此淚何常輕一灑臯門華表爲誰傾

歿前一日
承天門

華表
忽折

許生洲督學秦中

詞賦凌雲動漢宮承恩彩筆點秦風華山作架蓮花
小焦獲爲池瀾水通三輔人才多彥聖五陵豪俠半
英雄只今文武車前拜當代龍門是許公

挽施愚山侍讀

逝矣先生大雅捐，鴻才駿業憶當年。
詩名柱笏白雲署，文教持衡滄海邊。
十載雲雷陶亮澤，一朝天與董狐權。
斗閒星暗關吾道，不是同人亦泫然。

其二

誰道天成白玉樓，訛傳地下有文脩。
莫因彩筆干霄漢，遂使青萍沒斗牛。
君自千年留簡冊，人從一代惜風流。
大招楚些重難賦，雀馭只今到十洲。

送霸昌道許孝超臬僉

綸章新領右扶風，開道驂騶紫塞雄。
家有賜書曾錫鉞，幕多奇士豈雕蟲。
北門鎖鑰推平仲，三輔蕃宣待長公。
下里甘棠如可芟，願君來往駐花驄。

送湯潛菴學士出撫江南

雙持斧鉞照秋晴，不比尋常仕客行。
謝傅再來三府重，淮陰初拜一軍驚。
東南物力愁箕斗，吳楚民風待甲庚。
建節姑蘇佳麗地，江山奇險費題評。

其二

寵命親承下玉墀，奪君豈止鳳皇池。
獲麟尙缺春秋筆，補袞難忘山甫詩。
水飲一杯江有岍，桐標百尺樹無枝。
長安書記莫頻寄，不是征南杜預時。

潛菴修史未告成遂

學淵堂詩集 卷之六 七言律
命拜新

其三

老我西園已自甘送君南國轉多慙文章憎命兒童
語富貴逼人市井談秋水江湖失駭浪霜華吳越見
晴嵐相期別有千年在握手離筵意馘酣

寄挽王渭濱參戎

武庫星芒雪夜昏大招賦挽楚江魂勲名虎踞將軍
樹閎閱雲高君子村遺得六韜傳部曲收來萬卷付
兒孫遼東崔化揚州崔十丈麒麟臥海門

送譚公子南歸

聞君隨意過天津莫爲重遊感歎頻朋輩晨星還細
問文章杯酒槩虛論桃花水漲尋歸櫂杜宇聲喧別
故人計抵山中應發笑長安誰復憶鱸葦

宋牧仲外擢通永道

十載含香賦帝京中朝誰不識才名簡書特下白雲
霽翳繡分巡潞水城鳳閣梅花原手澤漁陽棠樹更
家聲尊翁曾開府漁陽莫將馮翊南陽比佇覩奉帷一道清

題趙玉峰銀臺園亭

擾擾塵高十丈紅到君亭榭老懷冲滄洲滿壁如真
境萊竹當窗況曉風萬里家山雙鶴外一規卿月五

雲中辟疆只許王猷看濡筆題詩花徑通

十月朔雨時 上東巡

冬朔幽燕雨不常風翻落葉響淋浪老苔石壁增寒
色殘菊柴籬散晚香到地絲絲白似霰著林浙浙冷
於霜 翠華屈處天靄賦定是晴和應小陽

送范自牧赴遼陽州任

翩翩五馬牧辰韓父節 君恩此一官龍虎 帝鄉
行處望粉榆佳氣座中看海天樓閣扶桑影塞國風
雲萃表 飲水一杯應自矢元勳采地在河干

陳說巖少宗伯將移居以詩索瀉泉酒次韻觀

之

爲愛家園泉水清秋來釀黍似銀傾才非李白杯空
把客得陳遵座始驚雅欲問奇移上若稔知論道住
承明聞君興對梅花發莫却白衣送酒情

十二月喜雪

頻年不覩六花飛此日欣看萬木肥白接雲峰從地
起光連海嶼與天圍庭無玉馬深三尺野有瑤華散
百扉似絮如梅莫漫咏乾坤一望總清輝

除日陳說巖總憲見貽黃柑羅酒且以詩索瀉

泉家釀次韻答之

薄薄沾唇自懶酤黃公感歎舊時壚殿頭白獸明朝
寵堂上青尊此夕娛慰得雙柑供野榼分將五斗注
冰壺爲酬佳句吟難穩拈斷如銀幾寸鬚

除夕過李文勤公邸第

年時擾擾獻辛盤今夕飄飄總幃寒駟馬不來霜跡
少龍門猶在雪痕乾誰能沉默如王旦安得糊塗似
呂端莫歎西州人雨泣庭槐鳥語亦含酸

除夕

除夜吟成歲歲殊祇今過眼更堪吁命宮我欲飛天
馬仕路人揜如意珠梅發南枝春獸蚤雁過北塞月
偏孤抽毫授簡鄒枚事莫便悠悠老壯夫

正月九日賦得十分春色一分過

十分春色一分過天上飛光奈若何白髮不饒人未
貴青雲已讓路偏多金銀氣壓長安道梅柳香爭上
苑柯赴壑如蛇真可惜漫聽黃鳥唱時歌

田子崙少叅督糧湖廣

曾懸玉尺大江東彩筆分題六代宮當宁知君饒遠
畧叅籓峇爾振雄風江城戟士迎陶侃漢水軍儲使
呂蒙黃雀樓中應有賦起予莫惜寄飛鴻

送邵戒三學士假歸武林

乍辭香案不從容言念佳城兆未封丹陛陳情披臘
雪黃門待詔聽晨鐘謝公人望還山重賀監詩懷
釣水濃去去莫矜初服遂西湖那許臥夔龍

其二

潞河水暖綠如鋪楊柳依依拂畫簾篋裏數編皆正
史牀頭一卷是歸圖家山漫買藏春塢仕路誰搃如
意珠聞道玉津歌舞地當年曾此駐金吾

時上方南巡

其三

石渠廿載共編摩才少慚予君患多十六顧厨宗李
固半千羅漢首須陀詩壇何必偷春好宦海難都被
浪過用我用卿終是法不如歸去鳥曾歌

其四

瀕行投我綠琅玕不學歸田賦帶酸蓬海仙人原有
籙率陽宰相豈無冠帆開揚子胥纔濶雲起吳山眼
自寬酌酒送君還與約銀青詔到便攀鞍

嚴藕漁宮贊假歸無錫

瀟灑抽簪出鳳樓春風人上木蘭舟一編青史垂行
橐十載紅塵浣素裘去日鶯花憐滿目到時江嶼漫
回頭長安老友無多在幾放白鷗尚滯畱

其二

尋常折柳贈歸人不似於君徙倚頻杯酒論文誰與
細圖書養拙我徒真一帆清夢梁谿水五月香羹申
浦蓴生受此行堪妬煞削牋定請遣蒲輪

荅介蕃宗弟

消息泯泯十五年喜憑阿季得瑤牋杜陵亂後頭應
白王粲歸來賦可傳萬里鐵橋驚險渡一庭玉樹嘆
奇緣愁心驅遣無它計熟讀南華秋水篇

雪鴻堂京邸之客舍也乙丑春雙燕巢梁上蒼
頭恐污人衣欲驅而去之余不許喜其輒語
商量勝襪襪子刺刺不休也五月抱雛成白

如雪致足賞玩詩以紀之

習習空庭燕引雛畫梁飛雪羽翰孤月明戲水知何
在雲澹凌霄望欲無舞上榴花迷粉蝶歸來玉署暎
冰壺王威老矣猶能賦莫比茅山伴馬樞

廣陵潘楚吟客燕京最久顏其齋曰停帆志不
遷也乙丑思歸卜於來春南下更而顏之曰
春水船作詩見意步韻二章

多君京國寄閒身廿載東華不染塵雀舫停畱燕市
月桃花開卸洛陽春碎琴長笑非因老擊筑高歌豈
爲貧司業酒錢曾未乞紛紛車馬往來頻

其二

高山流水壁空懸種竹蒔花徧隙田料得九衢無酒
伴何須一葉待仙船檣帆擬趁開河日齋額先更入
洛年我欲畱君畱不得白頭詹事尙飢眠

王醇叔太史母朱孺人旌節

帝錫鸞書大節芬烏衣名巷表宣文堦前玉樹雙龍
躍笥裏金華五鳳粉不負貞心懸曷日爭傳懿典賁
青雲他年臺閣恩還渥象服嫺嫺拜太君

送劉觀光令蒙城

題塔才名一紀週分符作宰志堪酬地傳漆令原仙

客人到濠梁亦壯遊展驥何難逢魯肅割雞豈肯戲
言游與君相約重攜手奏績來朝五鳳樓

乙丑除夕

鄰家爆竹景陽鐘此夕情懷入耳濃冒濫官名愁潦
倒消除詩債苦衰慵門前積雪深三尺天上浮雲蔽
幾重我豈不知恩未報盈廷埋口似駝峯

贈于振甲中丞

東海高閭華胄綿懸魚拔薤譽訇然漁陽屢見岐雙
穗劉寵何曾受一錢斧鉞霜明天子授姓名雷動
帝京傳甘棠膏雨畿人慶前後相如總大賢

振甲與
前中丞

于清端
公同名

閏夏同鏡庭高比部陸石年進士楓臺看芍藥
歸飲祖將軍水閣

聯鑣乘興訪花村綠柳長廊受雀喧白動孤雲新水
氣青連小草舊苔痕羣葩爛熳堪驚眼野墅幽清可
倒樽無數塵情欣暫解歸將好景語諸孫

楊覺山都諫乞假歸維揚

高岡鳴鳳劇驚人
民病誰醫乃病身
豈抱寒蟬紅葉樹
且垂明月碧江綸
帆開梅雨金臺遠
花過雷塘玉蕊新
何處可堪楊子宅
南泠泉水愛儀真

高鏡庭比部出守叙州

辛陽才子姓名芬
家世崢嶸相國勲
拄笏十年貪爽氣
分符萬里愛凌雲
少陵遊跡瀘江徧
諸葛遺蹤楚道分
近日夜郎知漢大
佇君諭蜀奏雄文

其二

京華衡宇切相望
賦別其如蜀道長
匝路詩題憑古蹟
隔江風氣接蠻鄉
無徵可緩惟幢布
有藥堪行是麝香
我老正須叩竹杖
來朝好帶紫筠霜

廣陵賁氏女字曹氏子曹中殤女守志不他適
曹子父母相繼歿女往執喪不食而死許太

史爲作傳余讀而嘉之書其後

廣陵靜女字瑤華恨不齊聲曹大家泉路赤繩何忍
斷畫堂白髮況堪嗟貞心一死纔無愧婦道三從未
有加越水娥祠夫子族爭如蝶塚杜鵑花

題張子大太史樸園

正擬君修五鳳高却懷三徑理蓬蒿平泉木石畱蒼
氣韋曲亭臺巾綠濤藏得圖書皆手澤傾來杯斝有
賢豪春星帶草籬編竹樸致居然杜與陶

其二

名園作記洛陽稠那似賢孫述祖謀一壑一丘摩詰

畫幾亭幾榭贊皇畱此君瀟灑淇園雨老丈峻嶒王
屋秋料得平泉容我看何時杖履去閒游

梁玉立大司馬以詩見送步韻答之

解組飄然下北門不才回首愧天閨年衰去國風波
定春暖還山花氣屯月冷五更酣一枕鶯啼三徑倒
雙樽太平擊壤狎田父此際愈知是主恩

燥兒之官華亭

歸兮夢始悟槐安子舍匆匆捧檄歡見說椒裝先墮
淚況當分手劇含酸三千里路雲難望七十年人鬢
已殘翹首隴頭來驛使好音願爾說貧官

其二

家學君恩此一行
丁寧不獨為離情
丈夫壯志蕭關遠
良吏盟心涇水清
延譽上官雖漢詔
保黎當日亦秦聲
東風正急西征轡
高柳遮人望去程

題孫文正公祠

雄文駿節與名勲
指柱頽波賴有君
萬里銘山憑灝

氣九重蔽日恨浮雲
榆關壁壘沙場古
虎隊弓絃史

冊芬俎豆高河瞻
仰在喬松慘霧盡
氤氳公于丙子年殉城為

亂兵以弓絃絢首而卒

李吉爻侍御自淮安札寄新刻

忽枉來書鴻寶篇
多君高寄意翛然
行藏爾我何相似
俯仰天人幸不愆
細讀新章平硯礪
緬懷清興舞蹁躑
搗來乾象三台炯
只恐巖阿臥弗堅

張來菴選庶常

絳紗曾向里門開
助我君稱博物才
見說佛名標上第
旋聞仙館占翹材
萬青學士清河族
百忍家風易水隈
我去爾來輝映否
花輓日影首重回

竇敏修選庶常

天中論秀憶當年
五桂香開羨爾先
不肯趨時如若水
獨能窮理嗜伊川
醇儒豈止天人策
才子還依日

學淵堂詩集 卷之六
月邊官是條冰君自耐捧盈執玉問前賢

珍珠花

誰編蠙子上青柯如雪歲蕤萬粒多曉對玉牕偏賦
媚宵臨蟾影更婆娑能分仙掌三升露不許梨園一
串歌花自春分秋又半經年紅紫較如何

邵子昆明府宰敝邑廉幹著聲巡撫中丞于公

顏其堂曰真民父母賦以紀之

樊輿茂宰古燕苗三綰銅章懶折腰不飲貪泉明素
志常培勁草愛孤標一真只有扶溝陸衆母何須鄭
國僑願得行春隨樹芟他年蔽芾萬家謠

蚤起看家童理花竹

湛露瀼瀼滿徑苔芬芳那是出羣才假山樹老雲難
住淺水風多荷競開金粟綠從南幹起玉簪香自北
窗回檐前惡竹且休剪曾傷牀頭芸檢來

蕭山人書來却寄

衣脫緇塵兩載過避人小築似巖阿種花有譜香爲
品拜石何心老著魔筆記捕蛇憐子厚客來說鬼慰
東坡於今已覺檀蘿夢回首風塵發浩歌

除夕感懷

老至垂垂蒲柳姿凋零況是歲寒時不才合作書中

蠹無用真同面上眉冷落生涯山一片蕭騷情興酒
三卮耳聾眼暗渾佳事莫問人間大小兒

其二

海濶天空一草堂窮年嘿坐更何妨安排書卷爲牆
壁督護花枝度雪霜此日人情徒咄咄向來世法總
蒼蒼平生眼界凡三變不屑區區問智囊

其三

求田問舍下牀人許汜合教昭烈嗔十萬由旬身一
尺百千泡影世三塵平泉木石何勞念鄴架詩書未
卽貧屈指百年七八過陶朱范蠡話誰真

其四

燕南趙北有吾廬倦鳥飛還林樾疎芋粟未收槃自
減求羊不至座常虛病須藥物憑書換老愛花名按
譜鋤莫道庸臣袂賜蚤賢良近日也懸車

其五

山中風景近如何列缺焚輪歲歲多花有返條人不
信虎能識字語非訛到頭未歇猱升木滿腹猶貪鼠
飲河紀異標新毛穎秃杜門謝客煉詩魔

其六

羅雀興嗟心事違翟公畢竟未忘機鮎魚上竹原難

學淵堂詩集 卷之六
穩腐草成螢詎久輝歸到家中添食指夢回天上典
朝衣岳游有約還躊躇聞道春來八駿飛

其七

自從小築貯乾芸坐臥其閒弄夕曛攤案卷中尋古
道軸簾天上看奇雲墨螺日爲鶩來瘦香鴨時因客
去熏總計今年何事好垂髫孫子漸能文

其八

勲業都拋鏡裏看關心只有幾般難山川龍虎誰能
指詩卷虫魚甚日刊可憾書淫醫不豸堪嗟劔魄老
猶寒銜杯樂聖休相擬鑑水曾聞賜釣竿

元日試筆

不與朝元已二年布袍草屨遂初緣兒孫遶膝分班
拜椒酒盈樽隔戶傳達衆謁神行國禮避人賀節省
前愆古稀屈指爭三歲蚤可呼予是倦仙

師補齋出守江寧府

珥筆含香二十年一麾五馬楚江天傳家法物金蓮
炬按部威儀畫鷁船漢史龔黃皆太守晉時王謝是
前賢秣陵自古稱京兆豈比尋常祿二千

荅董靖之太學次韻

時在十
中丞幕

愧說風期萬里親天涯知己若爲鄰紅蓮菴水仙人

局霽月光風君子身未薦馬周積韞玉且隨宋璟脚
行春薔薇沫手披佳什慰我何時得飲醇

贈朱圖南茂才

精醫

鄒魯岐黃總聖真羨君世有受經人仙成觚望三千
字術擅楞嚴十二因渡螳編橋先輩事悲秋輟筆滿
懷春憐予古疾狂而直捐忿爲君護作臣

挽劉潛夫

齊年三五似晨星嗟矣高陽謝典刑花經春青來吊
客藜烟夜白見遺經雕龍集在文心苦司馬公亡洛
江零翻爲慟君發深省杯中有物莫教停

聞浙中金棟存中丞李長白方伯信

長沙痛哭似批鱗絳灌安能不目瞋 聖主從來無
忌諱書生到庠信咨詢陪京不比投荒塞絕徼今來
聚逐臣總是 君恩休咄咄武陵祠宇佇嶙峋

病起憂旱

藥鑄爲伍九旬零二豎潛消似錫齡百畝生涯愁播
穀一天旱氣怕飛螟春秋特筆書無麥雲漢憂心嗟
見星只恐今年同古事病餘安忍賦寧丁

書楊忠愍公集後

案頭一卷烈烟烝讀罷忠言感嘆增劇虎何妨身削

學源堂詩集 卷之六
樹批龍不怕鬼吹鐙二王可證青天障兩疏堪傳碧
血疑知與朱雲遊地下心傷請劍事難憑

題旌忠祠壁

當年人恨死先生不死先生安得名填海未平畱浩
氣補天無計想孤情千秋異夢黃鍾律一代忠魂青
史旌故里巋然祠尚在雙槐夜夜老蛟鳴

贈唐右章巡檢

時代
縣尉

士元百里歎鸞棲況是分符僅一溪花徑不教厖夜
吠荒衙常聽馬飢嘶勸農陌上行靈雨講武林中放
野麕少府攝行恩更溥頌聲洋溢郡東西

聞故大司寇高公日涉園改為酒肆愴然有作
園名日涉榜猶支蒼翠樓臺景物移門有車停非看
竹客來座滿盡銜卮花閒酒氣迷蜂蝶池上歌聲散
鷺鷥漫爲平泉興太息柴桑千載說東籬

元旦寫意

五更爆竹報晴和雲漢應知不更歌魯肅指困風旣
逸虞潭給哺力無多歲寒楫楸春爐減杯滿屠蘇老
面醅聞道朝元停慶典蓬門賀客莫仍過

十六日邀朱亶菴臬副飲學源堂

歸來愁緒鬱千端獨寐無言對影歎此日與君一夕

話誰人識我寸心歡黃金顏色牀頭盡白髮勳名鏡
裏看所愧涓埃全未答桑田十畝竟繁桓

東臯觀種麥

百畝生涯似漢陰不嫌抱瓮有機心懸車我自甘爲
圃把臂誰堪共入林睨睨一羣過綠水參差幾樹帶
黃金幽風句可編新調擬去田家社裏吟

寄題黎城李菡苑鄉祠

巋然祠宇壓山尖俎豆鄉人祀李謙千室豚蹄馨共
薦四時霜露像高瞻山東自有甘棠老天下無如萊
柏黜郁郁黎陽邑乘美紀三不朽獨公兼

白石榴

無香有艷爛朱霞博望攜歸是麗華誰剪冰紈遮絳
朶更搏雪蕊換瓊葩玉蟾照徹渾三素粉蝶飛來直
一家料得花神甘淡漠千紅萬紫漫矜夸

艾葉

仙家次藥碧雲栽巧葉靄叢穰毒材漢制染絲頒綠
綬楚臣作佩紉水臺攬香五日門懸虎擣液三年日
長苔法灸回陽如黍谷祇今蘄水是真蓼

菖蒲

石上靄苗九節青薰兮風動葉流馨暗香只許椒房

見細汗猶傳雷氏經嵩嶽合金高五尺羅浮抽碧歷
千齡王嶽不識神仙貴強使低頭拜竹汀

題畫

萬峯突兀倚雲立一水瀾漫抱石流長短松杉分遠
近高低舟楫見沉浮鳧鷖野浦眠堪數樓閣晴天望
亦幽身在畫圖渾未識悠然迴想到林丘

學源堂詩集卷之七

清苑郭蔡快圃著

五言排律

秋祭國子監文廟 詔遣分獻恭紀二十韻

甲寅秋八月六日上丁辰釋菜循先典陳牲 遣近
臣燎烟明兩序沉瀝互三賓樹影虬龍接香風椒桂
勻几筵連俎豆榛栗與檮蘋金鼎靄紋古陶爨火氣
新羽千猶舜舞祝啟自天鈞終禮趨三獻分陪近百
人戟門懸綺井虎拜列樓茵辨色迎神蚤無言奏格
真台班監禮數國語唱絲綸訖事人猶肅崇文典自

振展儀隆晉魏禰廟陋隋陳勞矣容臺屬欽哉玉署
儋始終觀穆穆小大盡彬彬曳履隨元宰拂衣解大
紳籀文看石鼓義帖傍朱楯門額皆雙字題名止舊
珉周容憑老掾欣慨在成均觀聽園橋者寥寥不起
塵

辛酉秋七月廿有一日

上幸西苑召集大學士部院卿寺及翰林科道諸臣
頒賜緞幣有差仍令侍宴瀛臺恭紀六十韻

寶曆三先甲金天七月秋鸞輿臨勝境僊仗警宸

遊曙色東陽啟涼風西苑颺梧桐垂輦道沆瀣拂旌

旂侍從傾三館趨陪列五侯宣綸鴛鴦序賜讌鳳凰

洲濟濟盈金闕踰踰度御溝儀章冢宰注班次大官

鳩是日初定侍宴坐次進止看魚貫歡娛聽鹿呦葉珠疑隔水

凝碧許乘舟槎覺來天漢星知傍斗牛蘭橈開鷁首

桂漿弄黃頭近岍攀躋便沿堤趺坐稠奏言升翠幄

傳命過龍湫太府頒雲纈中涓散彩緞唱銜心禮

重捧幣御香浮襲滿天孫錦褱添晏子裘褰裳忻大

賚赤芾厘貽羞九拜難稱謝千官喜對休莫教花庑

散還待水邊躡映日銀塘夢吟風雀院楸嘉蓮紅頸

狎密藻碧鱗游夕照霞籠樹平沙露浴鷗淵澄涵蜃

學淵堂詩集 卷之七
蛤波靜走蝓蟬異草愁題織寒英杜若抽三千貝闕
戶十二玉京樓瑤島瞻天闕蓬壺占海陬亭臺小李
畫溪壑大癡勾霓曲隨絲管龍驤盡臂鞞遊仙探紫
府訪道上丹丘庶尹分曹萃元僚振佩留成章咸矢
報製錦互爲謀簞簞喬林設矍瑜內侍搗瓊筵凡六
級席次玉箸匝千籌卓午欣登席同寅快旅酬連雲
開綺幕傍樹引綈幃王者香齊發仙人露競流八珍
原海錯七寶白山璆冰鼠和羹美瓊膏尙膳柔羣工
歌旣飽君子賦其觶一酌夔龍洽三巡 綸綍優不
令辭白墮直欲到青州讌飲裳華什恩波湛露謳笑

言容鬯敘揖讓任夷猶

詔許言
笑揖讓

盧橘能醒酒朱萸可

潤喉雖然無佐史豈敢不知郵眺聽乘酣興憑臨豁
醉眸西山來爽氣太液起晴漚玉竦長橋迴旃檀古
寺幽松濤風謾謾石罅水漉漉攬勝無餘景沾光有
匹儔溫溫學衛武栩栩似莊周虎拜冠同頰鳧趨衣
數樞翺翺出瑣掖醕酌上花駟燦爛衣裳筭崢嶸卿
相騶步猶循紫禁心更戀黃收嘉惠先擔爵龐恩訖
綴旒堯樽原廣置湯幣用芻求桑扈行開燕華陽佇
脫鞦誦詩當獻賦天保韻悠悠

壬辰七月

上御太和殿命定南大將軍敬謹親王出師仍躬送

於廣寧門外恭紀八韻 御試選館

皇猷勤遠略拜將遣桐封授鉞開三殿出車警六龍
霓旌鑾輅烟犀甲露華濃廟算仁無敵王師勇克恭
伏波專虎節下瀨掃狼烽銅鼓傳三捷彤弓錫 九
重銘勲江上石闢國日南賓一統鴻圖奠凌烟佇畫

容

丙辰元旦雪八韻和陳說巖宮詹

卜稔惟元日同雲罩帝畿琪華聯御柳金鳳裊天絲
月自宜三白花爭出六奇駕行寒綵絲虎觀迴杳思

珠勒朝元轡冰壺獻歲卮吞瓊憐典屬 范觀公總制陷關中擊

鴨想王師柏葉還傾酒芭蕉擬畫詩應問辭賀客臣

未拜丹墀 是日免朝賀禮

學源堂詩集卷之八

清苑郭茶快圃著

七言排律

大閱恭紀十二韻

璿圖鳳曆匝支于月令清和春未闌
天子三驅觀表貉元戎七校喜隨鑿
悠悠旆轉長楊曉羃羃烟浮細柳團
南圃鶯聲交畫角東津草色映珠鞍
烏號月滿雙鵬下赤電風馳大兕殘
安不忘危秣韃韃而
有勇駿躡冠金懸鵠象人豐沛
貂擁牙璋族魏韓上將星
苾連上相千軍鏡吹動千官雲
翻洛水簪纓曳

雪凌昆明鐵甲寒陣列入花司馬法網留一面聖
人寬霓裳曲遶薰風殿賜鸞杯傾葦露盤欲使聲靈
通絕域先教歌舞動長安

駐蹕瀛臺恭紀

龍池漱灑宛瀛洲紺閣瑤臺佳氣浮 聖主薰風歌
解愠 天家法駕扈長秋雲扶赤輅臨西內日轉丹
銜到上頭論道正宜廣厦靜親賢且喜細旃幽霞橫
錦樹藏高塔雨歇琪華過御溝鳳櫓穿荷千掌動虹
橋隔竹萬竿修水晶簾捲香颺入銀漢亭開花石哀
豈爲觀魚勤風駕其如采芡對清流曹郎視草團蒼
樹禁旅周廬控紫駟歸轡半從雲裏出侍臣多向水
邊留披香漢殿甘泉遠避暑齊宮渤澥陬莫媿我
皇宵旰瘁靈臺親切鳳皇樓

康熙二十五年閏四月二十四日

皇太子出閣講書

臣蔡

同禮部尚書湯潛菴詹事府

滿洲詹事尹大來滿洲少詹舒一行進講論

語書經各一章於

主敬殿恭紀十五韻

元良懋建耀前星 詔啟承華命授經
霍禁曉傳洗 馬導鸞旌近指濯龍停
右文釋菜尊皇古 典樂咨夔

拜大廷朱几迴臨鋪繡紫丹墀森列綰銀青重輝重
潤瞻天表帝聖帝賢志睿齡續有芸香橫玉尺殿
無暑氣展琉屏魯論撰說臣資獻堯典賡颺帝德馨
做幄梅風薰廣內軸簾龍氣靄高冥尙書兼領優山
傅崇政敷陳愧古霧四海共歌麟趾什萬年遐卜鳳
儀形榮依銀榜覘圭璧燕飲銅扉賜醪醕衰白自慚
陪講席涓埃何以助滄溟

喜雨

靈雨瀟瀟萬象清雲流花舞鳳凰城濂濺乍覺人無
暑滂薄欣聞樹有聲雷動西山千寺寂風來南苑百
禽鳴玉泉渠滿浮蘭舸金水橋通浴杜蘅無數嫣紅
開齒苞幾行嬌翠起鳩鵲濛濛壇時瑤甍濕漠漠郊
原麥浪平碣石蒼茫聯海蜃蘆溝瀕洞帶春萍布懸
白瀑三峰直碾破青烟萬畝耕舞驗商羊能化坎離
占畢月慶逢庚桑林循省勤三事雩社祈求變五行
自有膏酥堪獻賦何須珠玉漫言禎天顏有喜臣
先識蚤晚商霖又賜名

王子雍大司馬招飲怡園

栖栖正悔別林泉今日欣同入輞川碨礪當門儼拱
揖菁葱繚徑任俄延長闌疊砌垂香草小閣方塘倚

碧蓮高處皆山平處水望時疑隔到時連雲藏曲洞
晴猶濕樹隱迴廊影不偏臥石爲梁如野渡臨池築
榭宛停舫此君自可來王獻老丈都堪拜米顛花笑
鳥吟真窈窕松根石罅半潺湲金梭纂纂游朱鯉玉
筵嚶嚶響翠蟬解佩槃桓情自洽登樓眺聽興逾便
嵐光罨罨西山近寶氣龍嵒北闕懸前輩風流公等
在瀛洲禮讓憶當年

張幼南廷尉張振六水部同乞假歸省

丹陛陳情陟岵思青門祖道唱驪詞歸田賦豈如平
子送客情猶去釋之萬里白雲張掖郡三台紫氣賀
蘭陲廷階笏聚宣綸緯綵戟珂鳴舞駿驥帳有天風
吹玉樹地多仙氣近瑤池觴稱北斗麻姑酒笙補南
陔水部詩燕領當年來菡醬龍城此日琴兜離承歡
畫錦天倫序須念鹽梅用汝爲

冬日遊吾道園四十韻有序

姑蘇城東北隅有園太百畝山水亭榭竹木
草花做麗幽芬爲吳郡鉅觀故某宦某氏之
所構也更三姓後籍爲官漸就荒圯過者慨
嘆會三韓仁淵祖公來藩茲土以舊署湫隘
不稱監司臨涖地謀爲增廓念時絀舉羸慮

有勞騷議且寢一日騶從過斯園攬結之餘
愾惓與歎曰古今盛衰興廢之故詎不以人
哉使是園而猶然私也荒而殘殘而至於涸
零堙塞孰暇過而問焉者第是園而屬之公
已乃亦忽忽漠漠聽其荒殘凋落而至於堙
以塞烏乎可於是請之中丞慕公願捐已資
移而署於園之右偏木石瓴甃有舊可理功
實易竣是舉也庸第臨涖之稱耶巖谷不以
館狐兔山則弗童池塘不以涸龜蛙水則弗
涸闌楯不以繫駑駘廊廡則無拽且噴葳蕤
不以供採掇則無萎且枯園存而公家之物
存吳郡之鉅觀亦不致荒殘凋落而堙以塞
也不其懿乎中丞公曰可公遂捐金輸地值
遴材因址鳩工聚徒而從事焉不三月而告
成於戲一舉而三善備焉矣盛衰興廢之故
詎不以人哉已未冬公招余飲因得縱觀其
中致足快也園故無名姑妄字之曰吾道園
孔子曰吾得子游吾道南矣卽郡取義爾作
長律四十韻志厥畧

西臺新署壓平泉門徑蕭森別有天十里勝遊太傅

聖六圖如畫右丞川廣庭面面飛翬起曲檻行行丹
牘連客度虹梁來石磴鶴騰雪羽上松巔嶙峋補地
何須煉礪砢隨人不待鞭洞壑欲迷雲更出峰巒幾
絕棧相牽此中宜置幼輿坐其下應教宗炳眠陟彼
高山足徙倚俯茲流水況潺湲倒涵雲漢鋪星斗分
繞丹崖界澗漣一片板橋咽灑灑九秋霜葉擁涓涓
波紋翠澱風聲疊湍響瑤琴石隙穿曰水曰山仁智
樂有堂有奧匠師賢丹梯傑閣凡三級朱楯迴廊宛
一聯最喜花臺無對待却驚水榭是虛懸綺疏影綠
王猷竹藻井斑黃陸羽烟靜掩紗幘堪結夏間憑棊

几好安禪碧夢朱圮洵希覲古木奇葩詎偶然樹號
大夫秦代秩花名君子宋人憐合圍銀杏皆千尺連
理硃茶數百年金粟繽紛香墜露玉蘭蓓蕾月爭妍
珊瑚綴雪搖天燭迷迭臨風鯁水仙不踏兔葵妨屐
齒乍看虎刺上牆肩啁啾剩有長林羽游泳還多小
沼鮮雨後虬枝猶叫鶡春來錦樹定啼鵲山腰水立
冰簾直水面山浮島嶼偏燕語似憐魚圍圉鯉跳知
羨鳥翩翩洛陽空說金爲谷清海徒聞花作田此日
我添遊屐蠟當時誰助買山錢文饒樹石兒孫事梁
孝賓朋文字緣勝地昔曾悲寂寞名區中復見喧闐

學源堂詩集 卷之八
揭來樓上吹簫客肯向花閒散錦纏桂楫未聞拾海
月綵衣漫學採湖蓮肴陳蜀國銀絲膾酒瀉錢塘藥
玉船生怕絕纓樓隔水更愁擲果燭離筵迴波舞藉
金狨席裂石聲隨玉雁絃戚里笙歌雲漠漠侯家池
館草芊芊爲存綠野風流古不惜烏衣門巷遷星映
三台關氣象戶排千騎見威權南樓有與畱參佐北
海開尊授簡箋安得賦如滕閣麗使君雅望與同傳

學源堂詩集卷之九

清苑郭棻快圃著

五言絕句

題畫

白瀑界青壁綠巖跨紺閣繫舟不見人知去尋丹壑

題畫送王印洲治河中州

有客訪嵩麓搖舟入石灘問君何利涉曲曲是安瀾

蘇小小墓

虎丘貞娘墓西湖蘇小墳山川怕古腐一撮麝蘭薰

西湖孫公祠

學源堂詩集 卷之九
湖伯論勲舊東瀛勝東坡不會畱一字黃金貴奈何
分屍檜

人恨莫須有種檜剖其幹天欲榜奸雄青蒼不肯爛
西湖月

明月涼於水澄湖明似月木月關寒光山川愁白髮
過溪

林逋喜梅鶴蘇瞻愛桃柳婆娑此老僧風流惟釀酒
放鶴亭惜梅

橫斜三五枝春盡無花落莫怨隴頭兒鍊脚道人嚼
喬小青墓

人傳蝴蝶塚明月立嬋娟湖水知卿恨不生並蒂蓮
江上獨步

江雲秋淡淡一鳥出芙蓉影落波光裏霞流幾萬重

學源堂詩集卷之十

清苑郭棻快圃著

七言絕句

三日侍直

瀑直西清第一班殿頭簾捲羽林間北門百戲梨園

奏大駕辰牌幸景山

西苑雨望

上苑晴看麗景多雨中延佇更如何瀟湘五月黃梅

候十二樓臺映碧波

和王顓士官贊西苑侍直卽事二十首

學派堂詩集 卷之十一
仙班入直踏青莎曉夜西清勝澗阿玉勒行吟松徑
緩上林得句錦囊多

紅橋宛轉綠楊閒玉藻魚鱗映日斑撒網碧波梁禁
弛傾筐銀鯽羽林還

清流激石響霜湍寂寂池旁啓事官見說御香天半
落龍樓誰敢舉頭看

彬彬鴛鴦照晴波金鑰纔開上相過一日萬幾憑玉
几曰吁常少曰俞多

炎天宵旰不遑寧 詔答公車散水汀俄頃兩宮傳
上膳時鮮飛漿過團亭

水殿迎薰六月寒璿瑜千尺接雕欄侍臣來往香風
裏不識緹幃有建蘭

秘書函子鳳綾裁函裏芸香日日開進講義經天未
干冰桃瓊李賜將來

瀛臺西望翠全收崑圃何須是夢遊登頓莫云勞
御趾司鑿蚤見擁龍輶

五色雲霞捧至尊迢遙何啻九重閣百僚步屨紅牆
駐只有嫖姚騎進門

浮瓜沉李正當時冰盞真如金屈卮涼趁濃陰龍爪
樹渴分甘露鳳皇池

學源堂詩集 卷之十
雲生太液全無暑 聖主猶占五日風
京兆禱雩新奉 詔雨田知不計私公

雪嶠黃花暑不侵 前朝曾此紀登臨
六龍聞欲巡邊徼 赫濯應傳黑水陰
時用兵 烏喇

辰牌日影轉彤墀 珥筆猶依凝碧池
左史記言文字古 煌煌渾是典謨詞

午餘蟬噪續聲長 歸步遲遲出建章
一帶荷風吹玉佩 千條翠色蔭丹牆

瑤壇仙樂響絃匏 十里鑾儀靄霧交
夏至宸遊典禮重 太平天子祀南郊

甘雨滂沱道術神 平疇一望浪如銀
桑林有驗 皇情慰不惜 朱提賞洞真

龍旂日曉出延英 海澱驂騶鏡裏明
臥佛香山皆上界 皇風過處石林清

玉泉珠涌寶光浮 萬壑來青一檻收
信道月明塔有瑞 詔傳駐蹕到分秋

三珠聲譽溢皇州 不用將軍薦馬周
全身是玉皇香案吏 含毫日日近宸旒

清影宜來照碧潭 水光文采麗相含
金蓮撤送鳴珂里 慰煞高人臥斗南
顯士尊人農山侍御在堂

唐濟武前輩從山左寄示迎駕詩

鑿輅南巡千里餘
山中彩筆動相如
導揚德美應歌舞
不比前人封禪書

送程周量守桂林

折楊柳復唱陽關
一出春明萬里山
將進酒時君盡醉
占來才子半青綸

六月炎天水漲秋
湖長河廣任悠悠
知君此去經三楚
買酒須澆鸚鵡洲

贈張醫

採得仙人九節蒲
化瓊化雪化珍珠
幾時大用天醫

現爲起瘡癩萬姓蘇

藏心亭

老藪菜根躬學圃
閒邀山色背開窗
菜根山色渾閒事
多少雄心就裏降

遠榭

致身何地可青雲
陡築危臺藐世氛
萬里乾坤容在眼
紅霞碧落與秋曛

藤架

千蛟萬螭擁蒼霧
鬣鼓鬚噴紅雪飛
遮住斜陽無透漏
石牀涼簟打碁圍

孤松

不綴寒山不點溪蒼髯碧鬣忍孤棲
渾身鱗甲濯春雨
拔起神鼇幾尺泥

老槐

綠烟不雨亦沉沉獨抱濃陰百歲心
功奏檀蘿原幻境
何勞春夢此中尋

酒漑梅花

濁醪拚與醉寒芳不許花
魂醒更狂天下才人如美女
何來獨點壽陽妝

梅苔

一派春從脚底生多君不惜翠濤傾
前人誑說羅浮夢
那有寒花解世情

題畫

一枝獨耐六花寒況有青筠不肯乾
却怪夜深來凍羽
高眠玉骨唾琅玕

書女史扇上

長日空庭伴紫薇多君乘興訪柴扉
蒼頭報客咿咿笑
道是人來香滿衣
相逢握手不言愁
祇道何緣滿鬢秋
莫是無人爲下
幙霜華飛入讀書樓

客去簾垂露滿苔花香鳥語轉疑猜柴關日暮不教
掩更待西山翠色來

雨後登遠榭望西山

尋常塵坳太欺人雲外芙蓉半不真爲賴雨師親灑
澹萬峰青翠眼中新

題畫冊

山邨茅屋野雲深樹裏秋烟曉不沉縱有高人如豹
隱濛濛誰向此中尋

蜀葵名一丈紅

不管春風與夏風粗枝大葉俯羣叢寄人籬下無多

地怪殺君猶一丈紅

歲暮感懷竹枝體

三冬無雪逼春寒雀滿蓬蒿稱此官酒債尋常猶好
在梅花誰遣又開殘

三十六旬百樣愁最無端緒杞人憂愁心不共年華
暮辜負當時市崩緜

蠻溪瘴嶼徧干戈白羽紅旂兩載過持重自然搽勝
算獨憐輸輓壓江波

霜風雪月唱涼州鐵馬金戈待展籌千古誤人羊叔
子學他緩帶與輕裘

萬壽寺鐘

徧身文字滿頭霜
臥雨眠風度夕陽
安得樓懸千丈
簾一聲驚破海天荒

題畫

一帶山容浮翡翠
數枝柳色舞瑯玕
板橋野店青蘿
壁春水漁航白鷺灘

禿樹槎枒占小岡
山深茅屋不淒涼
千竿萬个雲留
色瀑布飛聲過短牆

詠骰子

滿身星斗儼聯珠
宛轉聲隨劉寄奴
一日賜緋來御

苑洛陽驚殺舊狂徒

都人正月賣牡丹花

臘盡纔吹花信風
花王瞥見雪中紅
偷春勝比仙人
術羞殺南州鐵樹宮

題石竹梅

凍蛟伸臂迸明珠
冷玉流香月不枯
錦石霜筠搖鳳
尾美人君子好同呼

聞雁

萬里龍沙一夜風
撩雲歷歷寫寒空
迴翔似訝瀟湘
樹何事年年血點紅

訪友不遇

棹雪非同訪戴情
半林秋色鎖雙荆
草堂深掩無人
在翠竹森森氣自清

遠榭望月

地偏塵遠月愈光
白露無聲雁幾行
望裏分明星斗
近無端雲起又蒼茫

四時從軍樂

霓旌雪鎧出長安
馬驟春風驕不寒
一望周廬三十
里平沙戲打獵圍寬

前年結夥鬪鳩車
今日從軍我佩魚
競策驂騶橫雁

陣綠楊深處有紅裙

聞吹箏篋鬧秋風
毳帳前頭月照弓
昨日試刀邨落
裏鴛鴦血比杜鵑紅

南雪微微著樹輕
不聞畫角更催征
將軍有意驚鵝
鶩傳令圍爐唱渭城

題畫

翠深嵐遠寫秋晴
漫擁柴車樹裏行
漱灑湖光真可
泛石梁斜處小舟橫

山搖水影水浮山
白石青松杳靄間
正欲乘風訪鐵
崔兩峰夾處見雲關

題崔齡公畫冊

汲泉煮葑瓦壺甜為趨晴光不掛簾一帙漢書讀未
了奚童悄更解牙籤

丙辰生日

心情澹澹鬢毛皤五十四年春色過身世只如風外
柳三眠三起在霧和

題醫生騎馬圖

胷中怕不止岐黃偶掛葫蘆燕市旁漫策驂騮應有
意長安人愛說騰驤

七夕

無雲今夕見天津河鼓星連太白真堪笑鄰姝慵乞
巧翻云天巧不過人

題萬柳居士堂

不種三槐種萬柳為憐張緒是風流祇今皎皎雲中
月不照長城照小樓

題畫冊

山容如睡梅花醒野客扶筇傲蚤寒一路酸風爭爾
笑人無何遜與誰看

和李湘北弔劉富川殉節詩

灘江鱷與碧雞通不信人妖雌化雄惱殺富川劉大

學源堂詩集 卷之十一 九
尹口誅賊子杜鵑紅

半年綰綬泣雷封
詫見螭螭奮臂衝
提起匣中秋水
看獨憐周處是孤蹤

只是巴川世寫降
羞看紅粉浣龍江
昂藏七尺鬚眉
在肯去花門拜羽幢

眼光如火血淋髭
想見櫻鋒罵賊時
不獨常山舌可
斷漫教睢水霸雙祠

月黑江衙鴟亂啼
知君刻畫破淮西
蒼梧到地無南
雪空使駕鵝臥竹溪

妖氛七里霧如霾
錦繖前頭鬼帶鞍
獨怪燃犀君有

術瓦全玉碎自安排

蜂屯蟻聚鼓蚊雷
不怕昆明築墨灰
一自忠臣口血
喋轟然舌劔剪渠魁

慨是儒臣復小臣
偏生無眼看波旬
貔貅百隊君如
擁蚤使三狐化野燐

奪君原不爲脩文
捋虎何妨蓋日紛
化作長虹高百
丈直衝閭闔撼秋旻

嘆血聲聲賊膽寒
那期鐵漢戴儒冠
惜乎未剖君心
看一樣玲瓏似比干

亂著紅巾踞桂山
鎮鄒沴氣逼巖關
花孃脫劔江頭

洗怪殺忠臣血作斑

釜中魚戲任騰跳一縷忠魂恨未消怒上仙巖叱白
水富江三日不曾潮

多壘猶聞耻四郊鯨鯢何恃穩腥巢自從碧化劉郎
血夜夜陰風剪絳旄

拚將隻手殪狂獒不顧高堂有二毛一首詩傳絕命
語何來字字帶牢騷

莫亦曾經長樂坡挺身赴難奈君何成仁取義千秋
事鼠輩偷生偷得麼

孃子軍中白晝譁奇人偏是卯金家轅門又弄漁陽

鼓脆骨書生剗虎牙

魯公雖死入仙鄉不昧家山近洛陽筆法有筋人盡
識題書會寄小顏莊

旌節天官例子成 詔書特許贈清卿 君恩優渥

關風教豈有忠臣復愛名

灝氣飄飄日已暝桐鄉俎豆一燈清他年父老傳君
事血染衣衫萬古馨

乍聞烈節按吳鉤楚些千章淚不收化霍何時到華
表瓊花開處是揚州

半載妖狐鬧桂林中間一股氣森森遙知定是君魂

結翹首 王師雪忿心

悲聲何事匝湘潭不得簾鈎掛到三好去墓頭磨片石大書殉節古奇男

一死能教萬代瞻知君大節意無忤姓名真可買絲繡正氣歌中擬續添

龍驤虎旅破霧巖平把滇黔一斧剗屈指奴顏皆鬼錄幾人盡節似彭咸

嘲柳

霧和春翠起還眠張緒風流祇自憐種樹書中榆歷柳莫因飛絮不飛錢

嘲松

翠鬣蒼烟五粒株飽經霜雪未曾枯人閒桃李花如錦猶自驕稱古大夫

嘲茉莉

牽藤吐萼儼丁香不識人閒有玉霜博得雲鬟分細蕊賣名終是小南強

嘲蕉

碧殼裁雲颭曉風綠天十丈俯羣蓑饒君萬卷心抽盡不及楊妃一捻紅

嘲梅

學源堂詩集 卷之一
萬花開盡爾纔開多少詩人雪裏來天上春風應有
數幾曾吹到白雲堆

嘲槐

團團如蓋翠如烟孤立牆隅近百年春色人爭呼
目何曾望見月華圓

嘲迎春花

一本瑤藤一串金爲迎青帝許招尋不知春到誰家
去沐雨梳風伴石林

嘲蓮

緋衣翠蓋總虛妍歷落湖心水浸天曾傷真人原可

貴獨名君子欲誰憐

嘲新草

抽圭挺笏綠叢叢得意王孫散玉驄說向松筠應一
笑四時那盡是春風

嘲水仙

澹寒如水浪如仙可有香爭相府蓮蓉弟梅兄空占
斷白雲封住冷江邊

嘲香櫟

色奪黃金大準升舍香耐可受霜凌喬林最愛人扳
援佛手柑來便不興

嘲蘭

黃金碧玉總非真
況復幽棲不近人
可惜暗香剛十步
如何吹得到天津

嘲蜀葵

繽紛朱紫爛千章
不學傾心向日忙
爭道蜀花似蜀錦
海棠一樣恨無香

嘲雪

辜負花空六出奇
半天搖曳任寒颼
謝家女子輕狂甚
比作春風柳絮吹

雪解嘲

輕於柳絮白紛紛
一任輕狂繡闥云
試問蔡州鴟鵂陣
是誰擁護李將軍

德州渡河

轡轉蒼林舟子招
盈盈一水不容橋
檣鴉啼罷城烏噪
似說江南客路遙

黃河舟中作

驚濤駭浪去無邊
一里揚帆數里旋
何不泰山移置此
臥看黃水寫之玄

夜度揚州關

湖風海月送孤舟
一幅蒲帆夜不畱
人到江干車馬

學源堂詩集 卷之一
駐却從夢裏過揚州

過儀真閔家荒園

繫艇敲門苔徑荒園丁睡起應聲忙自從亂後石梁
斷那復人來問辟疆

瓊花觀

梅閣蓉園歎劫灰蕃釐古觀剩高臺江都幸後述樓
起無種瓊花爲底開

文選樓

六朝煙雨逐江流轟轟蕭梁太子樓信道立言堪不
朽巋然魯殿與千秋

述樓遺址

幾樹冬青十丈丘居人指點說述樓夜深水鶴啼空
寺疑是逍遙月底遊

隋堤

有堤有柳有春風可是當年碧霧叢錦纜牙檣何處
泊夕陽猶向晚林紅

玉鈎斜

淮水堤邊噪暮鴉珠襦零落玉鈎斜癡兒不醒揚州
夢鈎弋還思向漢家

廿四橋

山光水色碧濛濛
月上橋來四望通
一曲玉簫風送遠
只愁吹到九華宮

董仲舒故宅

今改鹽運司

天人三策漢名儒
遺宅蕪城未盡蕪
自置官衙功利盛
靈旂幾度到江都

范文正公祠

功德能先天下憂
千年俎豆饗邗溝
祠前銀杏高凌漢
不許飛蝗到上頭

文正曾請賑淮揚蝗災

騎鶴樓

富貴神仙那可并
繁華畢竟說蕪城
于今人盡腰纏

去騎鶴將無上玉京

梅花嶺

廣陵城外草離離
獨有高原綠雨滋
最好江湖連虜白
寒香想到放梅時

釣臺

傳說隋煬築此臺
山巔大石自飛來
須知結綺章華蹟
都是天教世主開

文游臺

臺在文人幾更游
坡公千載迥風流
夕陽一片芙蓉色
三十六湖總是秋

學源堂詩集 卷之一
三
甓社湖

廣萬餘頃
今半涸

天光水色白悠悠露薄帆檣六月秋萬頃珠湖澄似
鏡菱花一半照眠鷗

康山園廣陵故姚永言太史別業也康侍郎對

山寓居最久因名今歸新安鹽商

阜可山兮山可園關西才子姓名存平泉木石非無
主問是文饒幾世孫

望家信

徙倚寒江鄉思多蕭蕭木下洞庭波
雁都未經從易水過

雪中舟望

水氣攀山山氣顏寒林彌望總鬢
興都載西湖月色來

范維恭運副招飲湖上晚歸

晴嵐歷歷水泠泠十里天然翡翠屏
為訪孤山歸棹晚滿船烟靄一湖星

湖心亭觀范觀公遺筆勾畱處三字愴然題壁

勾畱畢竟未勾畱君與香山一樣愁
白馬橫江應有恨故人不忍泣西州

題湖心亭

學源堂詩集 卷之十一 言絕句
百幅畫圖明鏡上四時烟雨翠屏閒游人解道湖光
好船到湖心却望山

讀范觀公七賢祠壁閒十截句敬步其韻人琴
之感情見乎詞

不見當年桃李栽橋頭延佇首空迴閒雲自在孤山
上黃鶴那從碧海來

西湖日日是澄波偶爲風來亂影娥波上美人何處
去瀟瀟冷雨打霜荷

留連客眼爲湖山葉葉輕舸不肯灣一讀君詩人便
醉紛紛行到斷橋還

蔚藍一色水中天放鶴亭空散客筵南國甘棠猶勿
剪畫船誰復採湖蓮

水轉山環路欲迷爲探芳蹟捨青堤賢人今古誰能
限不分名山七个栖

遊人至止共躊躇學士風流此一湖偏是湯陰祠對
岸寒松古栢畫啼鳥

六橋東泛六橋西水自安瀾雲自齊獨有孤山光景
別遶東鶴去萬峯低

橋如裙帶瘦腰圍只爲湖荒水氣肥岸上一聲烟霧
起鷓鴣鷄鷓與雲飛

山寺荒涼晝掩扉孤山游舫日維磯林逋故宅梅開
後齊唱陽春白雪歸

眼中湖負意中湖荷掌招搖冷露珠誰是功成身退
者一帆風送洞庭鳧

題靈隱寺殿壁

山上有松皆偃蹇樹閒無石不玲瓏莊嚴佛土非人
力雨散天花龍送風

題岳武穆祠

莫恨黃龍志未伸麒麟塚勝畫麒麟翻憐決計東窻
者十二金牌換鍊人

雪中過放鶴亭擬登孤山謁七賢祠訪何舍白

道士未果

擬向前賢爇瓣香雪深磴滑困雙芒山中聞有張天
雨遙聽琴聲過竹墻

再至湖心亭

遊湖人不肯隆冬我恰冬遊興更濃領畧湖山真面
目斷雲殘雪歲寒松

放生池竹枝詞

軒昂有客自矜夸不信佛家信法家寶勒雕弓金彈
子放生池上打棲鴉

學源堂詩集 卷之十
題小像

莫能自狀倩丹青畢竟丹青寫是形
我有靈根方一寸時時洩漏與蒼冥

題扇上墨石榴

磊落真如赤水珠千房一色碧珊瑚
須知嘉樹秋多實玉潤星懸滿畫圖

題徐立齋總憲小像卷

披襟露頂任從容倚檻臨流對古松
丘壑置君畫不得巖廊今正待夔龍

癸亥除夕

春風暖逼蠟梅酸白髮猶新歲已殘
明日椒盤蒸大醉酬予辛苦任長安

癸亥除夕哭煒兒

年年此夕拜庭除阿七昂昂千里駒
光景非殊猶宛在空畱小字向誰呼

記得年時壓歲錢雁行分給不爭先
今來一二三俄五手把青蚨淚點穿

偶感

牢落升沉已自慙那暮白首對何戡
於今悟得逢場戲愛聽人歌快活三

苦暑

不衫不履臘冬烘
雪噉冰山徧祝融
怪底唐宗勤政日
翠華遙幸九成宮

送湯潛菴學士出撫下江

蕭然襍被儼書生
不負君恩此一行
計抵姑蘇秋正老
一輪霜月海天清

寄題李晉陽萬柳林

燕郊萬柳說廉公
今古風流信可同
樹裏樓臺秋更好
蟬聲不斷夕陽紅

鵲噪

靈鵲何緣噪瓦溝
好音真个破春愁
思量無喜堪相報
定是今宵拜醉侯

夏夜坐

樹擁書齋夜更幽
清燈深坐寂無愁
却憐牕北琅玕竹
一縷風來響似秋

種竹遇雨

爲憐籊籊送清芬
闢地一弓位置君
不道天公解人意
騎龍忙遣李將軍

種竹移石

抽竿無意釣淇水
鞭石何心駕海虹
頗愛此君獨瀟

學淵堂詩集 卷之一
酒還憐老丈欠玲瓏

題漁家樂園

逐江不正關柴扉
簑曬茅檐網曬磯
杯酌拋殘斝一枕此翁應是賣魚歸

丁卯除夕

冰蔬柏酒愛鄉風
畫燭熒熒小院通
萬事銷除惟病在蒼蒼何不受衰翁

戊辰元旦有感

滄溟一望曙光新
野服猶然虎拜頻
豈是江湖心魏

中秋臥病

今宵月好萬家歡
獨我呻吟臥枕單
聞道 鑿輿行出塞龍沙無乃露華寒

十六日疊前韻

流光冉冉任悲歡
感歎昨宵月影單
鴻雁不來霜未降木樨香老曉風寒

霜降移盆菊

隱逸何妨青女侵
西風搖落恐難禁
移來好傍梅花帳競吐寒香澹我心

人日有感

己巳

學源堂詩集 卷之二
田家七日競占人寒暖陰晴休咎分造化無心誰得
測巧雲現罷現奇雲

春病

老病相尋亦偶然劇愁伏枕艷陽天鶯啼花發無新
句冷落詩編已巳年

生日

滿壺春酒勸何頻道我懸弧是此辰六十七年忙庶
事祇今天地一閒人

閏三月

九十春光枕上過花香鳥語竟如何東皇憐我餘詩

思留著黃鶯弄錦梭

題道服小像

香案親曾侍玉皇歸山採藥試丹方人間不識瀛洲
客道是尋仙張子房

人日有感

庚午

去年此日喜晴明無麥無禾旱魃生今日又晴難握
粟願天反覆似人情

正月九日紀異

莫羨春開纔九葉滄溟卓午涌蟾蜍霧臺誰是司天
者莫與重輪一樣書

正月廿九日喜雪

絕無勝六到人閒野馬奔騰不見山乍覩玉塵埋錦
石幾章雲漢擬全刪

鵲巢書屋樹

霽禽何事羽翛翛擇木高栖愛寂寥莫爲避風編小
戶銀河待爾作天橋

春塘觀魚

錦鱗碧水樂津津不似春塘樂更新我固非魚予非
我莊生真是箇中人
有歎

霖霖纔霑禁柳青鷓行獻頌舞彤庭諸公萬卷撐其
腹只少東坡喜雨亭

題茶梅畫幅

寒香不怕五更風冷艷偏於雪後紅畫手並圖應有
意緋袍紫綬百年翁

結豆棚

削竹編麻引豆藤花如蝶紫葉翩翩偶來坐臥清陰
滿悔煞從前戀斗升

聾懊

生恨喑喑兒女聲忽談忽止總無情何須細訊貽姍

笑只當蒼蠅傍曉鳴

三月十五日上河社會病未往觀

去下爛熳醉蘭舟擬道今春一暢遊咫尺家園空悵
望泯泯莫更羨丹丘

題仇十洲畫猿

將軍有臂不封侯越女相逢劍術優悟得攀緣無是
處花巖倒挂弄清流

贈雲間張陶菴處士

華亭孤雀羨翩翩警露鳴秋六十年山水東南皆剩
物高飛來問帝京篇

故人冠蓋滿神州都爲周璆下榻畱擊筑傾觴燕市
裏黃金臺畔不曾遊

題吳門袁重其負母看花圖卷

臥雪門庭水竹叢砌花灼灼拂薰風九旬阿母呼鳩
杖欲看堂前一丈紅

龍鍾老母杖難扶肩駕兒郎當步趨畫苑祇今添一
幅袁闕負母看花圖

百鵲聲

有引

粵聞板橋柳色有懷廿載春風人面桃花忽
下數行紅雨別離生死悼歎悲歌情猶繫于
一笑樓頭念詎寒乎三生石上予也命薄如
妾官老非郎遜雅興于香山敢云櫻開樊素
慙風流于瓊海何能舫載朝雲聊樂縞衣非
耽翠袖迺歌翻詞苑未學李氏之姬而雪涕
茗園差做党家之婢嗟自客歲恒無病而捧
心痛迺今秋遂含愁以沒齒瑤筐飛玉燕怨
彼商飈智井墜銀瓶傷茲白水月冷乎桐陰

小院香沉于燭影空屏移賈生之哭而哭落花借宋子之悲以悲埋玉自無賦洛筆難傳羅襪凌波豈是比紅辭懶寫朱衫放豔松滋磨泪兔穎抽心腸斷穆王兵不待聲聳峽外血流蜀帝鳥何須月上枝頭百首寧繁一言可蔽

邊城一夜落霜楓黃耳書來蕙幃空天若有情憐玉碎寒林都帶杜鵑紅

曾操玉杵鳳城東搗盡玄霜鸞信通調得紫簫剛八拍誰教還閉藥珠宮

依依唱和遍春風繡筆何曾賦惱公不道珠沉秋夜雨空留想像碧紗中
柔心不解妬花容楊柳櫻桃一色濃愛伴偶然忘鳳去隔窻猶喚比眉峰

金屋簾閒小裊鬆篆烟籠著語喁喁于今依舊爐香在寂寂瑤筐冷月封

呈巧錦衾欺翡翠鬪華角枕刺芙蓉怪卿似有前知慧說到征衣便懶縫

客懷黯黯對瓊釭豈爲含情愁未降水冷芙蓉無蒂并秋深蛺蝶不飛雙

曾共幽軒酌玉缸相憐笑語出層窻一從軒底無人
到風雨頻驚花下厖

禮佛清齋蓮性降盟心學隱鹿門龐梅檀燼後瑠璃
暗塵滿龕前小繡幢

牢落征人返轡遲却教無處寄相思知卿萬斛閒愁
恨都在迷留欲語時

檀槽面面挂朱絲銀甲憑誰度柳枝我欲重翻古樂
府白頭吟是斷腸詞

小苑溶溶月影移因風常聽喚琴姬夜來風到琴臺
上著樹披花總是悲

臨行脉脉泣沾衣頻道今番願蚤歸小雪欲殘歸未
晚淒涼只見舊牀幃
旅館蕭條夢亦稀猛然夢著淚頻揮愁顏縞帶香
窈攜手仙娥入翠微

空歌一曲鳳凰飛別鶴離鸞調已違惱殺文園增病
渴傷心幾欲碎金徽

半生小草猷猷不道今年怪事餘七月家園花發
後霜風未動損紅蕖

浪向邊城賦卜居秋風千里獨愁予無端彈得鷓鴣絃
急錦瑟聲離小雁疎

學海堂詩集 卷之一
掃雪烹茶雅事虛紅牙檀板待何如大招擬仗文章
力只恐傷情是蠹魚

侘傺常憐楚大夫每將賈誼慰窮塗從今儻去朝宣
室忍把芳蕙當鬼呼

不著絕交踪已孤雷陳猶喜締其姝一朝閨閣風流
盡也入山陽笛裏無

九月風前插紫萸瀟瀟冷雨灑平蕪如何一滴猿腸
血頓使楊林萬樹枯

懊悔征車小似鷺榆關一豈不曾攜芳蕙應繞佳城
樹風雨枝枝總向西

英雄漫道氣如霓事到傷情眼自低偶對荒山哭未
了泠泠紅泪已成溪

飄飄化蝶草烟齊黃土一杯掩翠鬕想到鬣封那不
痛烘然驚起暮鴉啼

酸風午夜透蕭齋渺渺仙踪不可懷已見山陰桃葉
落右軍忍復渡秦淮

秦樓鳳杳有樓階知爾何將付女儻情檢雕奩菱已
暗殘香隱隱畫眉牌

爲底慙慙雅興乖經春未試踏青鞵那期霜近秋颺
惡一夜驚飛玉燕釵

梧桐牆角笑聲飛道是高堂問寢回看遍翠裙和紫
袖畫屏獨少一人來

冷落晶晶玉鏡臺張郎空說畫眉才香魂儻肯逐蝴蝶
認取紗窻榆葉梅

澹蕩池塘落葉堆蛩聲寂寂粉牆隈簾櫳隙處疑卿
影屬付香鬟莫浪開

彤管無能賦所親羞稱鸞閣舊詞臣買絲擬作嬌嬈
像猶恐旁人繡不真

小閣沉沉曉日湮啁啾何事鳥聲頻畫檐聽得鸚哥
說不見當時教語人

鮫綃帳冷三星沒雲母屏空十月春竊藥胡然歸上
界散花或者是前身

蕭岑遷客滯河汾鄉夢時時入雁羣豈有風流似坡
老也教一樣哭朝雲

問天不用楚騷文我與蒼翁仔細分世上總無長命
縷罡風偏喜殺紅裙

自許豪情歌代哭乍聽薤露淚紛紛兩行賓客齊回
首五歲孩兒去拜墳

拚將彩筆賦招魂知道魂歸朝也昏若與西施爲伴
侶料應同在苧蘿村

舊時客轡返家園不出蘭房笑到門此日歸來羣婢
在盈盈含泪強開言

歸來黯黯自焦煩幾欲狂悲聲又吞急索遺囊搜括
看青雲一縷沐香溫

沉眠寂寂泪闌干知怨狂夫戀一官若識蘭摧卽此
日三台只當蜃樓看

龍文寶鼎藝沉檀祝爾英英魂莫殘不必遼東鶴可
化夢姻還擬結槐安

記得當時夢兆蘭珠擎繡祿不勝歡于今健已如黃
犢却倚旁人問煖寒

偶向寒崖學放鸚驚聞凶問涕潺潺雲根到底啼痕
在解作石牀片片斑

聞卿病在淺深閒支枕吁吁戒小鬟寄語主人莫痛
哭他年好認玉簫環

黃姑河鼓會何慳霧鵲橋成子夜還從此翻將牛女
羨一年猶得渡銀灣

香風未散絳悵前零亂黃金舊寶鈿剩有夜光歌舞
盡彩雲不化化秋烟

說到臨危劇可憐強呼小媚問秋天青驄遷客歸期
近願得如絲一刻延

病裏愁生鬱悶偏愛聽一曲望江天歌兒有語真如
識偏是銀箏斷小絃

樓上何人弄鳳簫愁心一夜轉難消二十四管都堪
奏只有鸞聲吹不調

斲開野圃劇靈苗豈有長林花木妖咄咄園丁何所
詫金風夜剪美人蕉

凌波遙度百花橋環珮幽香雲外飄隨著雙成朝桂
闕姮娥也解盜紅綃

習成絕水控神蛟不怕鯨宮與鱷巢邀得漢家張博
望欲從西海取鸞膠

堪傷埋玉向楓郊辜負鶯啼萱蔻梢記得年時春雨
後纖纖探水護花苞

空有珊瑚枕上凹娉婷何處濯雲髻非同龍女離滄
海柳毅難將大樹敲

幾爲招魂損月毫八叉才豈是詩豪總饒賦洛陳思
筆不及僊囊續命膏

新塚茸茸對遠臯灰飛白蜨奠香醪短碑無用題家
氏千古班姬只姓曹

記得邊風七月高殷勤爲我寄青袍摻摻不見縫裳
手什襲牀頭雪燕刀

澄澄蓮沼靜無波人去還疑照影娥慚愧麗詞非李
密畫堂那更雪兒歌

一盞熒熒照玉荷梵經高唄薦湘娥料應未犯幽冥
戒莫是樓頭乞巧多

飄飄漫爾惜裙羅自有慈航渡愛河地下若逢樊素
問定誇一樣嫁詩魔

愛向高樓看晚霞樓前多種幾叢花雲中縹緲如閒
眺應指薔薇是妾家

曾記冰壺浸茗芽坐隨明月弄琵琶近來寂寞青苔
路愁見簾空蒜影斜

落拓年來酒興賒自矜不用買丹砂因傷人面桃花
句一夜西風兩鬢華

生死重逢事可嗟無雙仙客詎還誇憐卿非死茅山
藥空說人間古押衙

病餘醒醉總如狂夢見扶搖謁昊蒼伏倒玉霄揮不
起聲聲只乞返魂香

睡起沉沉對薜牆不知何事可思量小姬生恐增新
痛拉著堦前看海棠

宛轉思來越渺茫竟拋金屋去何方八年縱使恩猶
淺不念牀頭小鳳郎

不羨人閒紫鳳章悠悠竟返白雲鄉仙家誰道無鄉
族西母瑤池也姓王

漫言一七可回生苓朮膏殘小藥鐺爲慨神醫無董
奉滿林紅杏挂虛名

年年秋課錦章成雅有迴文壓蕙卿却被天孫收拾
去流黃夜夜鬧鼃鼃

泠泠白露玉堦橫落葉飛花掃不平屬語莫除傍砌
草爲憐羅襪舊經行

步兵狂下哭鄰泪莊子歌盆鼓情我比二公都不
可悲歌哽咽總無聲

銜悲詎爲惜娉婷歷亂牕前女孝經感悼那堪秋夜
裏疎簾冷雨一燈青

百尺天絲垂素綆何能井底起銀瓶自教泉下埋金
盃一葉秋雲暗小星

年來諛墓筆殊靈猶少豐碑一片銘不是江郎才思
盡幾回和墨泪泠泠

曩日焚芻卜玉靈喜占歸妹玩義經曰歸那識成岐
路不向朱樓向紫冥

鷄流橋畔水澄澄照見征人白鬢增垂老更逢腸斷
事愁顏不挂有誰能

深夜無端自寢興寸心時共鳥飛騰含酸怕到東籬
望雨打黃英落幾層

戲馬高臺獨懶登蒼涼非但晚雲凝空天萬里橫孤
雁也爲呼羣哀不勝

爲添舞袖剪文綾小婢低言小婢磨東院于今除一
分春衣少買翠雲繒

一官落落自堪羞不管閨中悔覓侯縱使五湖依舊
在他年范蠡是虛舟

莫矜情種是風流情至常教烏白頭頭白烏聲淒已
甚可能喚起斷魂不

少年繫馬上青樓幾爲妖姬泪不收豈似寸腸今日
斷方知前是假溫柔

尋常宋玉已悲秋悲到今秋賦更稠暗憶翠圍聽笑
語忍從荒隴看松楸

夜窻清冷月華侵寒鳥枝頭語不禁鳥語分明說著
我温香博得夢中尋

非有釵行十二金何來慘淡惜三琴拈毫擬和蘼蕪
句獨有桃華不可吟

生怪兒童不解事戲拈金彈打文禽人間生死別
苦難道鴛鴦沒有心

隔戶悠悠聽暮砧寒衣擣罷散空

嘆忘澣阿姨臥病衾

平時知爾禮優曇誰遣黃梁一夢酣佛法前
報他生定使化奇男

偶開寶曆痛何堪痛爾芳齡恰廿三但識剖蓮心內
苦不曾食蔗到頭甘

估船買得合歡柑栽向瑤盆細細叅堪怪有情如草
木一葩已卸蒂猶含

臘梅蓓蕾落風檐常待佳人素手拈莫是花神封繡
戶近來夜月只垂簾

常夕日沒西崦我自憐卿卿自恬翻徧從前女史
紅顏鶴髮幾人兼

子雙瞳秋水沾盧家不但喜丁添烟樓誰道真難
推定使酬卿胎教嚴

畫梁紫燕雙棲慣認得粧臺螺鈿函春日重過如有
詫翩翩無定語喃喃

羅虬百首語巉巉有恨無情遂可芟我比羅虬才更
短卿卿名豈是紅衫

亭懸小像翠珠銜香篆常熏繡鳳衫真作一尊仙子
奉幾時青鳥又臨凡

山生詩集 卷之二
桂華影落蟾蜍明楓葉霞殘蟋蟀響月到林梢鳥競
飛恍如人在虛亭上

願天放却卿魂來旋到旋行旋與語四座莫喧我非
癡賺得魂來不教去

且悲且泣歌枝頭宛有百鶻集啼痕化作芙蓉
城步得香輿輦卿入



